

१७३

दर्ता नं.:४८/२०७६/७७

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



नेपाल संवत् १९४६ पोहेलागा: / २०८२ माघ १ / 2026 Jan. / ल्या: १४७, दाँ:८



हिंगुकुगु बख्खप नगरपालिकाया
नगरसभा उलेज्या - २०८२

नेपाल सरकारया द्धुतिपुं नवप्रवेशी अधिकृतपुं ख्वप नगर अवलोकनय्
(२०८२ पुस २० गते)



अन्तरराष्ट्रिय पावर लिफ्टिङ कासाखय् तः लापुं कासामिपिन्ता हानय् ज्या
(२०८२ पुस १७ गते)



; Dkfb sLo

@)*@ df3 !, c aS !&#, jif{*

स्वास्थ्य बिमा ज्याभवः स्यल्लाक यंकय मः

यें या त्रिभुवन विश्वविद्यालय शिक्षण अस्पतालं माघ १ गते निसैं फुक्क स्वास्थ्य बिमाया ज्या इवः बन्द याइगु जुयो च्वंगु दः । अस्पतालं विज्ञप्ति पिकायो स्वास्थ्य बिमाया ज्या इवः बन्द याय्गु खाँ क्वः छ्यूगु खः ।

२०७४ सालनिसैं छ्यलय हःगु स्वास्थ्य बिमाया ज्या इवः जनताया दश्वी लोकंहवाडः वगु खः । बिमां याडः हे सरकारी अस्पतालय वानिपुं ल्वगीपुनं अपलं क्यें वाडः च्वंगु ल्याखं क्यं । सरकारी अस्पतालता जनताया विश्वास अप्वयो वगु बांलागु हे खाँ खः । अथेनं अस्पतालं ल्वगी तय्गु बांलाक सेवा यासां तबि नं स्वास्थ्य बिमा बोर्ड बिमा वापतया बियमःगु धेबा इलय हे मब्युसेलीं देया अपलं अस्पतालतयसं समस्या फयो च्वनय माल । शिक्षण अस्पताल छगू खानय दःगु दसुजक जुल । सरकारं इलय हे बिचः याय मफूसा मेमेगु अस्पतालं नं स्वास्थ्य बिमा सेवा बियफैमखु, धमाधम तिय जक माली । गुकीं सरकारता जनतां वामलागु लिचवः लाकः यंकी ।

स्वास्थ्य बिमा ज्या इवः गरीब व धेबा मदयो वास याय मफयो च्वंपुं जनताता बांलागु पलिसा (विकल्प) खः । अथेनं सरकारं उपयुक्त मेगु स्रोत लुइके मफूगुलिं हे समस्या पिज्वगु खः । नेपालय ज्या साडः च्वंपुं औपचारिक लागाया लाखौं कर्मचारी, सेना, प्रहरी, सशस्त्र प्रहरी, शिक्षक, प्राध्यापक व बैकया कर्मचारीपिन्ता बिमाखय मच्वसैं मगाधायो अजुपुं स्थायी आय स्रोत दः पिनीपाखं म्ह्वचा जकसां योगदान कटाकायो ज्यासांसां नं दायँ अबौं तका धेवा बिमा कोषय मुनय फै अलय उकीं नागरिकपिन्ता अःपुक सेवा वियगु ज्याखय राज्यता सक्षम याडः बिई ।

राष्ट्रिय बिमा बोर्डता अस्पतालतयसं विश्वास याय्गु त्वःतः हल । बिमा बोर्डया अनेक त्वहः तयो अस्पतालं फ्वंगु (भुक्तानी) काथं मःगु धेबा अस्वीकार यासेलीं अथे विश्वास मयाडः हःगु खः । छगू अस्पतालं लच्छिया करोडौं तकाया सेवाग्राहीपिन्ता वास नपाया थी थी सेवात बियमः । बिमा बोर्ड बिय मगु धेबा अस्वीकार यासेलीं वा मब्युसेलिं अस्पतालया आर्थिक अवस्था कमजोर जुयो वांगु अस्पतालतयसं धाधां वगु दः । अथेनं सरकारं धः सा अकिता वास्ता हे मया ।

न्हपा निजी अस्पतालतयता नं बिमा सेवाया सुविधा ब्यूगु खः । लब नकय्गु मतिं हे निः स्वांगु अस्पतालतयसं खःगु मखुगु, फुक्क काथंया उपचारया नामय नक्कली बिल दयकः भुक्तानी फ्वंगु नं खाँ प्याहाँ वल । मखयक नयगु मतिं धेबा फ्वंपुं अजगु अस्पतालता वा स्वास्थ्य केन्द्रतयता सरकारं मातुमालः कार्बाही यायमःगु खः अथेनं छगू नेगू संस्थां मज्यूगु ज्या यागु नामय फुक्क संस्थाया धेबा मबियगु पायछी मजु । अःदे डांक ४६४ गू अस्पताल व स्वास्थ्य केन्द्रतयसं बिमापाखं स्वास्थ्यसेवा ब्यू ब्यू वयो च्वंगु दः । व फुक्क संस्थातयता इलय हे मःगु धेबा बियो उपचारयाकयता अःपुक बिय मः ।

स्वास्थ्य बिमा ज्या इवः तः मलात धःसा न्ह्यागु हे पार्टीया सरकार निः स्वांसां जनताया विश्वास त्याकय फैमखु । छाय धःसा छम्हा छम्हा नागरिकता मदयक मगागु आधारभूत स्वास्थ्य निःशुल्कया सुनिश्चितता संविधानं हे ब्यूगु हक खः । संविधानं ब्यूगु उगु हक जनतां अः पुक उपभोग याकय्गु लकस दयकेता नं स्वास्थ्य बिमा कार्यक्रमता स्यल्लाक, बांलागु लिचवः वैगु काथं हछ्याडः यंकय् मः । छुं नं त्वहः तयो सरकारं स्वास्थ्य बिमाया सुविधा बियगुली पला लिचिलय मज्यू । धेबा गनानं हयगु खः व सरकारया जिम्मेवारीया खाँ खः ।

पिकाक-ख्वप नगरपालिका/सम्पादक-आशाकुमार चिकंभञ्जार, डेस्कटप-धन लक्ष्मी त्यात, आवरण सज्जा- रेणु ध्वज, थाकू- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com

पेशेवर कार्यकर्ता जनताया मिखालयया नानीचा

नारायण मान बिजुवळें (हरिबहादुर श्रेष्ठ)



पासापिन्ता थमनं गनां पला द्वंकलाला । द्वंकसा धायो दिसा धायो आलोचना याय्ता ग्वाहाली फ्वनि । पासापिसं थःगु द्वंगु थाय् क्यडः बिइबलय् व तस्कं लयताइगु । आलोचनां वं थःगु द्वंगु व मखांगु गल्लीत ल्हवडः हज्यायता ग्वाहाली जुइगु तायकी । थःगु मचः मगा व द्वंगु ल्हवनय्ता व थमनं हे संघर्ष याई । घमण्डी जुइगु थःगु नां देनेलाक जुइगु वा बयबय याक छोनय लाला कः जुइगु 'जि हे तः ह्राम्हा खः' धायो धक्कु त्वःत जुइगु फुरड्ग च्वनिगु बानीता वं पुजीवादी बिचः दक सम्भे याइगु । पुजीवादी बिचलं फुक्क गरिब जनताता छप्पा छधि याय फै मखु बरु थवं थवय् ल्वापु जक जुइ अलय् व थः नं गालय् क्वब्बाइ ।

घायँ भारी कुबियो वम्हा वीरे जःपा लाहा तं म्हवसतय् नाम्लो दिकः अलय देपा लाहातं साफू ज्वडः तँ थाहाँ वाडः च्वन । धने नं घायँ भारी कुबियो म्यँ हाहां वयागु लिनय लिनय वाडः च्वन । गांसिचा चिकम्हा वीरे स्वय हे थाकु चःम्हा थं च्वं । अथे नं वयागु ख्वालय संतोष व गौरवया पहः प्याहाँ वयो च्वंगु दः । वयागु नं गुगु अलय पर्क तःगु, वहे नं फियो च्वना । थाकय् जूसां वया ख्वालय न्हिलासु दः । बीरेता गामय च्वंपुं मिसात, मिजंत, बुहाबुही व मचात फुक्कसिनं म्हा स्यू । अलय वया मां ब्वा सु, व गना च्वम्हा, वयागु छँ गना धाय्गु नाटीकुटी खॉ धःसा सुननं मन्यं । वयात गुम्हासिनं दाजु धःसा गुम्हासिनं किजा, गुम्हासिनं पासा धःसा गुम्हासिं पाजु, फुक्कसिनं थःगु उमेर नपां स्वाडः नातां क्यंकः सः तिगु । मचा तय्सं धःसा वाता गुम्हासिनं काका धाइसा गुम्हासिं पाजु । मां ब्वापिसं दाइबलय् व थः

धायो ग्वाहाली फ्वनिगु । व गामय् याय्पिम्हा पासा वा शिक्षक खःसा मचातय्म्हा न्यायधिश, संरक्षक अलय् मतिनाया खानी .मायाया मूर्ति खः धने गामय याय्म्हा छम्हा ल्याम्होचाम्हा मनू खः ।

बीरें घायँ भारी में गलय दिकल । खुर्पा स्वथाडः तःगु खुर्पाठ्याक पालीचाय यखाल अलय तुरुत धःप ज्वड, नाः कः वानयता दान । 'ए वीरे दाइ पलख भ्रासु लांक दिसँ यो । म्वल, छि भ्राय म्वल । मफूम्हा मनू ज्या सानय मते धः सा मानय मजु ।' कना चायपुगु मिखालं स्वयो धने नं धाल । 'जाबो थजगु चिच्याहांगु ज्या खय् नं छु धायो दियागु, छाय गाडः दियागु छि । भीसं जनताया निंतिं छु याय् मःगु खः व याय् मफया नि । क छि ब्वडः दिसँ जिं मथां नाः कायो वयो गिठा दायकः नयो बैठक्य वानय् मनि । वीरे वाड हे छ्वत । धात्थें व जिवं मफूम्हा हे खः । अथेनं व सुंक च्वनिम्हा

वं थवय् ल्वापु थै बलय् जूसां मनू हे मखु ।

मचातय्सं 'पाजु' अलय 'कका'

वीरे नं सुथाय मचातय्ता आखः ब्वंकिगु । न्हिनय किसानत नपां खोरियाय् बूँ पालय्ता वानिगु । ज्या सां सां वं पासापिन्ता क्रान्तिया खॉ कानिगु । भ्रासुलांक च्वनिगु इलय नं वं किसानतय्ता क्रान्तिया खॉ कानिगु अलय् क्रान्तिकारी म्यँ न्यंकिगु । बहनी थाय्घायँ भारी वा सिंकु ज्वडः वैगु । बहनी जानय् धुकः फुक्क किसानतय्ता छथाय्सं मुंकः देश, विदेशया परिस्थितिया खॉ कानिगु । फुक्क दयों वाडानिं वं मिजलय् ब्वनय्गु व च्वय्गु ज्या याई ।

धनेया मामं छुचुं ज्वडः वल । वया ब्वाम्हा सिं नं साँ साँगलय चिडःघायँ नकल अलय् धनेया हःनय टुप्लुक्क थ्यंकः वल । वं छु छु तांगु मः थें च्वंकः न्यन वीरे बाबु गवः लय धने ? व टुक्रुक्क पिलिचाय फेतुडः धाल । फुक्क सिया मनय हाँया रानु तांपु थें च्वंकः मः जुल । थः वं थवय मिखा चूलाक स्वयो च्वन । वं वयाता स्वयो जक च्वना धनय्या ख्वालय अजुगतिया ध्वलं कियो

खः छ्युंक हल अलय धाल - घायँ जिं जक हः सां गा धायां मानय् मजूसँ वनं वयो कःवल । अः घायँ भारी दिकः नाः कः वान ।'

धनेया मामं मिखालं बरर खवबी हायकल, गुगु गाचां खवबी हुहुं धाल - हे ईश्वर ! थजपुं नं मनू दै धाय्गु सुनं सिङ्गु ? भीगु किसान पार्टी गथे थजपुं मनू दयके फता ? भी गरिबपिसं मेपिनिपाखं नाङ्गु बोली तक न्यनय् मखां । ओहो । गुलि जक बांलागु भीगु किसान पार्टी भीथाय् थुली बांलापुं मनू छवयो हैगु ।'


डतलय लाहातयो लेकया च्वकापाखय् स्वयो च्वम्हा धनेया ब्वा अथें अथें हालः हल - 'न छुं सा भिं नयमः न बांलाक तियमः थुकाथं भी गरिब पिनिगु दुःख तांकयता भीसं स्वयो अपः दुख सियो च्वंगु दः । नकतिनि बिरामी लांकः दँ वम्हासिता थयक छभव छल्कु साकः नकय् मफया । भीसं बिचः मयासा सुनं याई ?

'न्ह्याब्लें गिट्ठा (गुँया कन्दमुल) जक जुला धायो दुसी कुछि त्यो वाडागु उखय्सं चुडः च्वंतलय् लिबातकः नाः यां जिं हे कः वानय् नि ।' धनेयामां न्हि कायो हुयो द्रहँ वाडः भुथु च्याकल ।

ख्वाउँक फय वल । धनेया ब्वां हिथाय हिंन्यथाय् पर्कतःगु कमिजया गतामं क्वातुक सः तल । 'स्व धने ! छुं छेया ज्या मसासँ पार्टीया ज्याखय् जक जु । अः भीसं थुल नुगः मिखा कान । भीसं मथां हे क्रान्ति याय मःगु दः । क्रान्ति हे भी गरिबया सुख हैगु लौपु खः । थुकिया निंतिं भी फुक्क सिनं त्याग याय्मः ।' धनेया मनं नं क्रान्तिपाखय् क्वसाली अलय् धुक्क जुयो ब्वाया खाँ खः धाधां ज्यू, पार्टीया ज्या खय्

हे जुय' धाल ।

बीरे छम्हा किसान कार्यकर्ता खः । पार्टीया निर्णयता वं ध्वः छध्व हे च्वय क्वय लाकी मखु । पासापिन्ता थमनं गनां पला द्रंकलाला । द्रकंसा धायो दिसँ धायो आलोचना याय्ता ग्वाहाली फ्वनि । पासापिसं थःगु द्रंगु थाय् क्यडः बिडबल्य् व तस्कं लयताङ्गु । आलोचनां वं थःगु द्रंगु व मखांगु गल्लीत



ल्वडः हज्यायता ग्वाहाली जुङ्गु तायकी । थःगु मचः मगा व द्रंगु ल्ववनयता व थमनं हे संघर्ष याई । घमण्डी जुङ्गु थःगु नां देनेलाक जुङ्गु वा बयबय याक द्योनय लाला कः जुङ्गु 'जि हे तः हाम्हा खः' धायो धक्कु त्वःत जुङ्गु फुरुङ्ग च्वनिगु बानीता वं पुँजीवादी बिचः दक सम्भे याङ्गु । पुँजीवादी बिचलं फुक्क गरिब जनताता छप्पा छधि याय फै मखु बरु थवं थवय् ल्वापु जक जुङ्गु अलय् व थः नं गालय् क्वबवाइ धायो सम्भे

याई । गामयया रोडी घरता वं ब्वनय् कुथि याडः बिल । अः फुक्क मचात रोडी च्वनयगु त्वः त ब्वनयगु याडः हल । बीरे नं मिसातयता बांमलागु मिखालं स्वय मज्यू, छाडा बोली ल्हाय मज्यू, जुवा तास म्हितय मज्यू धायो स्यनिगु । गामय बुलुहुं जुवा तास म्हेतिपुं नं मदयो वान । बीरे नं नाः कायो हयगु दुसी लाजा क्यलय्गु व घायँ नकय्गु ज्या फुक्क सिथाय् पालंपः ग्वाहाली याङ्गु ।

बीरे नाः कायो हय धुंकः आखः च्वयो च्वना । थौं छन्ह्या भासु लांकी यो बाबु । धनेया मां नं बीरेया हनय नाः थाला तयो धाल । नङ्गु ई जूगुलिं कापी कलम (च्वसा) छखय् लिङ्कः धाल - 'ग्वः मां जि थाकय् मज्जनि । च्वसा ज्वनय्गु धाय्गु कू तःकू ज्वनय्गु थें थाकु मजु ।' थुली धाय् धुंकः बीरे लाहा सिलयता प्याहाँ वान । वयागु ख्वः न्हिनय्सिया सुजद्यो थें हे चकां बीरे धने व वया ब्वाम्हा धेर (ढिंडो) नयता फेतुत । धेर तयो भू ब्यू ब्यू धनेया मां नं जहानया ख्वः स्वयो धाल - 'बाबु ता भातिचा त्यानु लांकी धायदिसँयो । मां जिं अथे त्यानु लानय् मालिगु छु थाकुगु ज्या याडागु दः जक ? अजजिमिसं पार्टी ब्यूगु जिम्मा छकुलां हे दांकय् मफयानी । जिपुं जनताया सेवकपुं

पलख नं भासु लांकय मज्यू, मां । छिकपिनिगु दुःख खाडाबल्य् जिमिसं स्वय नपां थाक्यो च्वंगु दः । बीरें धेर घुत्युं त्युं धाल । धनेया ब्वाम्हासिं नुवाय हे मखानि ।

कां छ्यूं थें छ्यूयो च्वंगु दः । पारी गामय खिचात तः तः सिकं उडः च्वंगु तायदः । पुलुपुलु कीत मिखा फुतिफुति याडः फय नपां प्याखं ल्हूयो च्वंगु दः । फयया छगू भोक्कां वलागसिमाया हःत सरररर सः वयक डायक बिल । बीरे व धने छपा लाहातय्

सच्छि व न्हयस्वंगूगु स्वप पौ, बःछि पौ (पाक्षिक)

तुतां व छपा लाहातय् साफू ज्वडः अय्कं पलखः लिधान, हःनयलिनयँ स्वत । अलय् ख्यं चिरिफायो क्वय पाखय् वान । पलख लिपा बीरें पुलुक मिच्यागु खान । वं सियधुंकल कि मिजला अपुं वानिगु साँगलं छे वयो चवंगु खः ।

साँगःया हःनय नेम्हा मनू दाडः चवंगु दः । वीरे व धने सचेत जुल । तुतां बल्लाक ज्वडः बुलुहुँ हज्याडः वान । मनूत थः पाखय् वयो चवंगु खाडः साँगः हनयाया गाम्ल्यात हःनय वयो अमिता क्वथिइक स्वतः । म्हासिइके मफयो छम्हासिं न्यन - 'छिकपुं सू थें ?' ए म्हामसिलला ? जि बीरे का । ज्वज्वलपा पासा 'बीरे नं जः पागु लाहा बियो लाहापा स्वाय तान । 'ओहो । गुलि त्यल्लागु मिखा छिगु थजगु ख्यंथाय् नं जिमिता गथे म्हासिइका ? मेन्हासिं न्यन - 'चा न्ह्याक्व हे ख्वातुसां मनूतय्सं थः पासापुं म्हासिइके फैनी मखुला ? न्ह्यो न्ह्यो छ्यो याडः बीरे नं धाल । अलय् व ख्यो मखु गम्भीर खाँ खः । धात्थें न्हापा व लिपा जनतां थःपुं शत्रु व मित्रता म्हासिइकी । बीरे व धने नेम्हा पासापुं द्रुहँ वान । बीरेता खानय् वं मिछ्वयक चाकलीं चवडः साफू ब्वडः चवंगु फुक्क पासापुं दान । बीरे फुक्कसिता ज्वज्वलपा धाया निं फुक्कसिनं ज्वज्वलपा धायो फुक्क थः थः गु थासय् फेतुत । फुक्क क्वथिइक गम्भीर जुयो चवन । नेम्हा पासापुं हकनं प्याहाँ वान । प्यख्यरं मिखा वायकल । सिरसिर फय वयो चवंगु दः । गनां गनां खिचां उडः चवंगु ताय दः । अपुं द्रुहँ वबल्य् बैठक न्ह्याय धुंकल ।

'अः भीसं स्वंपुयो डायो जुयमः । चंख जुयो हज्याय् मः । बैठक नं मथां मथां क्वचाय्के मः । फटाहातय्ता दःसां निसें अपुं फुक्क छपा जुयो चवंगु दः । अमिसं भीता चिब कायो जूगु दः ।' बीरें फुक्क सिया ख्वः स्वयो धाल । मि दनादन च्याडः चवंगु दः । उकिया चाकलीं पासापुं फेतुड चवंगु दः । भीसं लाहा थानय् धुन पासा अः

सुनं जोरी खोजय याःसा अमिगु च्यापु लिकायो बियगु यां खः नि । टूले नं लाहा म्हाछिड धाल । 'खःखः पासापुं भीसं तः मि पिनिगु लुटय् याडः गरिबपिन्ता इडः बिय मः ।' हकें तंम्बयक धाल । धने नं सुतीं थाडः चवना । थाडः चवंगु सुतीं फ्याट्ट बायँ तयो लाहा सांकः धाल - 'फटाहात छप्पा छधि जूसां अमिसं भीगु कसा नयानिं ग्याडः थरथर खाडः चवंगु दः । भी फुक्क मग्यासीं छप्पा छधि मजूसें मगा । स्वयो दिसँसा, अमिसं न्हिन्यदा हाँ निसें नयो वगु कोसेली व चोके भीसं लिता काय धुन । नेम्हासिया बुँ नं लिता काय धुन अमिता थला नं पारय याय् धुन । अः साहकार जुयो पल्के जू पिन्ता सत्यानाश मयासैं गना जिइ दकः ?'

सकलें तः मि पिन्ता सत्यानाश मयासैं मगा, खः थव सरकार तः मिपिनिगु सरकार खः उकीं थव सरकारता हे हागः लिसें मलिक जाली फटाहात गना न्हाडः वानी दक । सरकारे हे तः मिपिन्ता गरीबपिन्ता लुटय् याकय् बियो चवंगु दः । गरीब विरोधी सरकारता ल्यंथानय्ता भीसं फुक्क गामय संगठन याय मनि । गरिबपिनिगु पल्टन दयकेमनि अलय् जक शोषकतय्गु सरकारता चिहानय् (सी गालय्) थुडः गरिब जनताया सरकार वै । मखुसा थव सरकार जनताता खा खं जक ठिक्क याडः भीता भुलययाडः तःगु दः । लुटय याडः चवंगु दः । गरिब पिनिगु सरकार वयानिं तिनि गरिबपिनी न्ह्याब्लें सुख ज्वी ।'

सकलें तः मि पिन्ता सत्यानाश मयासैं मगा, खः थव सरकार तः मिपिनिगु सरकार खः उकीं थव सरकारता हे हाँगः लिसें मलिक जाली फटाहात गना न्हाडः वानी दक । सरकारे हे तः मिपिन्ता गरीबपिन्ता लुटय् याकय् बियो चवंगु दः ।

गरीब विरोधी सरकारता ल्यंथानय्ता भीसं फुक्क गामय संगठन याय मनि । गरिबपिनिगु पल्टन दयकेमनि अलय् जक शोषकतय्गु सरकारता चिहानय् (सी गालय्) थुडः गरिब जनताया सरकार वै । मखुसा थव सरकार जनताता खाँ खं जक ठिक्क याडः भीता भुलययाडः तःगु दः । लुटय याडः चवंगु दः । गरिब पिनिगु सरकार वयानिं तिनि गरिबपिनी न्ह्याब्लें सुख ज्वी ।' वीरें तस्कं नाइकः धवाथुइक खाँ काडः ।

मिजलाखय् फुक्कसिनं 'किसान पत्रिका' ब्वन । ब्वँ ब्वँ अँ अँ धा धां कपालं क्वातु क्वाडः खाँ नं ल्हाडः चवन । पार्टीता चन्दा कःगु अन्न फुक्कं छथाय्सं लाकयगु खाँ क्वः जित । पार्टीया नितिं खा लहियगु नं सल्लाह जुल । धने नं वीरेपाखय् स्वयो भातिचा बिचः याडः धाल - चवयया गामय छि भाय माल, जिमिसं पार्टीया नितिं खोरिया (बाँझ) पुडुके, लाजा तय ।'

खोरिया पुडुकेता जिपुं वानयँ । थखय्या पासापिन्ता नं जिमिसं खाँ ब्याकय् । जिपुं थुख्य ब्वनय्गु चवयगु नं यायां चवनय । छिता पार्टी पेशेवर कायकर्ता दयकेगु खाँ क्वः छ्यगु दः । वहे खाँ ब्याकगु दः । छिं अः भन अपः ज्या साडः दिय माल, गामयया दाजुकिजापुं नपां खाँ ल्हाय नं अः पुई ।' अथेखःसा पार्टी जिता तः हांगु जिम्मा बिल । जि गुब्लें स्कूल कलेज मखाडाम्हा मनूसिनं व ज्या पूर्वांकय् फैला ? धनेनं तस्कं अजु चायो लज्जा चः थें याडः धाल - 'गरिब जनतां संसारय् याय मफैगु छुं हे मरु, कुतः जक याय् मः । गरिब जनता तस्कं वीर, सीयता व स्यायता नं लिस्वई मखु । पार्टी हे भीगु विश्वविद्यालय खः, पार्टी भीता मस्यूमथुगु खाँ स्यडः बिई, काथं मछिबल्य् ग्वाहाली याई ।' वीरेनं अधिकार पूर्ण सलं धाल । फुक्क पासापिसं धनेया ख्वः स्वत । धने मुसुक्क न्हयलः । च्याडः चवंगु मिखय् सुनं सिं तान, मि भन दनदन च्याता उगु मिजलाय् धने व बीरेया ख्वः तस्कं चकांगु खानय् दः ।

खप नगरपालिकाया १९ कगु नगरसभा

- प्रमुख सुनिल प्रजापति

सभासद् जू पुं, पासापुं थौं निसैं खप नगरपालिकाया १९ कगु नगर सभा न्ह्यात । थुगु नगरता हज्याकय्ता खानय दयक व खानय मदयक योगदान याडः द्यूपुं सकल न्हयलुवापिन्ता हाड चवडा ।

२०७९ सालय जुगु स्थानीय तहया निर्वाचनं जिपुं त्याकः वयागु नं स्वदात्या फूत । ऐतिहासिक अलय सांस्कृतिक महत्व कः घाडः वगु थुगु खप नगरपालिकाया न्हयलुवा जुयो ज्या सानय् दयो जिमिता गौरब अनुभूति जुयो च्वंगु दः । खप नगरपालिकाया छगू छगू ज्याखय् थानाया जनतां बियोवगु साथ व ग्वाहालीता जिमिसं आभारप्वंकः चवडा । खपया जनताया लुमुगु व क्वागु साथ व ग्वाहालीमदय्क खपया थुगु काथंया विकास जुय मफैगु खाँ ब्याकः चवडा ।

स्थानीय तहया निर्वाचनया इलय नेपाल मजदुर किसान पार्टीया घोषणापत्र पाखं यागु प्रतिवद्धतात जिमिसं छगू छगू यायां पू वांक वयो चवडा । स्थानीय तह जनताया दकलय हः नय्या सरकारजुगुलिं जनतां आशा याइगु अस्वाभाविक नं मखु । नगरपालिकाया सिमित स्रोत व साधनता अपलं जनताया असिमित आवश्यकता ता हदायतयो ज्या साडः पू वांकः वगु दः ।

स्थानीय तहत अधिकारं जःगु व स्वायत्त जुसा जक जनताया आवश्यकतात मथां मथां पू वांकय् फैगु मान्यता काथं खप नगरपालिकां पूर्ण स्वायत्तताया अभ्यास याडः च्वंगु दः । स्थानीय तहता अधिकारं जायकेता इलय ब्यलय सरकारया ध्यान सालः वयागु दः । स्थानीय तह प्रजातन्त्रया जग जुगुलिं स्थानीय तह बल्लासा जक प्रजातन्त्र बल्लाइगु व जनता बल्लाइगुलि जिमिसं विश्वास याडः चवडा ।

जिपुं त्याकः वय धुडानिं नगर व नगरवासीपिनिगु भिं ज्यायाता दश्वी तयो ज्या याडः वया नगरया शान्ति सुरक्षा निसैं जनताया आधारभूत आवश्यकता पू वांकय्ता थी थी सरकारी संघ-संस्थात नपां मःकाथं मंक ज्या याडः हज्याड चवडा । थुकीं भीगु छगू छगू ज्या इवःतः तः लाकः हछ्याय्ता ग्वाहाली जुइगु विश्वास जिमिक्य दः ।

खप देता पारदर्शी, भ्रष्टाचार मरुगु थाय् व सम्पदा ल्यंक, म्वाकः, भिंकः नपां पर्यटकीय गन्तव्य स्थल काथं हछ्याय्गु भी न्हयलुवापिसं खांगु म्हागसत पूवांकय्ता खप नगरपालिका थाकु मचसैं हज्याडः च्वंगु दः । खपया जनताया ताः हाकगु अलय मदिक न्ह्याकः वयो च्वंगु कुतलं अः खप दे सकलसिया



बांलागु थाय् काथं हज्याडः च्वंगु दः ।

नेपः या संविधान व प्रचलित कानूनया दुनय चवडः शिक्षा, स्वास्थ्य उपचार सचुकुचु, सम्पदा ल्यंक, म्वाकः, भिंकः तय्गु, विकास निर्माणया ज्यात याडः ल्यासे ल्याम्होपिन्ता लाहातय ज्या दैगु तालिमत बियो थःगु तुतिखय दानय् फैगु कुतः जुयो च्वंगु दः । नेपः व थी थी देया स्थानीय सरकार प्रमुखपुं प्रदेश व संघ सरकारया प्रतिनिधिपुं इलय ब्यलय जुइगु खपया भ्रमणनपां खपया जनतां इमानदारजुयो याडः वगु ज्यात विश्वता क्यनय्गु मौका जूगु दः । थुकीं जिपुं जनप्रतिनिधिपिन्ता इमानदार जुयो जनताया सेवाखय् जुयो ज्या सानय्ता थप उत्साह जुयो ब्यूगु दः । जनप्रतिनिधि, स्थानीय जनता व राजनैतिक कार्यकर्तापिनिगु छगू हे मन व छपाछधि जुयो हमज्यासैं मज्यगु मति वाडः च्वंगु दः ।

भदौ २३ व २४ गतेया युवा तय्गु आन्दोलनं देशय् बाँमलाक लिचवः लागु दः । उठले खप देजक बिस्कं थाय मजु । खपया जिल्ला प्रशासन कार्यालय स्काउट भवनता व नेगू सरकारी कार्यालयत छवयकः बिला । नेपालय् द्वहैं वैपुं पर्यटकपुं अपलं म्हवैं जुल । खप नगरया आम्दानीया छुवा लुखा मध्ये छगू थासय् नं बाँमलागु लिचवः लाडः पर्यटन शुल्कं भातिचा म्हवैं आम्दानी जुला । न्हपाया वर्ष निसैं हे देशं पिनयया पर्यटकपुं नपा देशं दुनयया पर्यटकपुं अप्वः दुकायया लागिं खप नगरपालिकां थी थी ज्या इवः तः न्ह्याकः वगु दः ।

खप नगरपालिकां नीति व कार्यक्रम व बजेट पारित याडः उकिया लिधंसाय ज्या याडः च्वंगु दः । आ.व. २०८२/८३ खय पारित बजेटया लिधंसाय साउन निसैं पौष २० गते तक जूगु

सच्छि व न्हयस्वंगुगु स्वप पौ, बःछि पौ (पाक्षिक)

ज्याया बःचा हाकनं थाना पिबवयो चवडा ।

आयपाखय्

थुगु नगरपालिकां चालु आ.व.२०८२/८३ या स्वीकृत बजेट काथं आन्तरिक स्रोतपाखय अनुमानित रु ६४ करोड ७१ लाख १० हजार छखय लिइकागुलि २०८२ पौष २० गते तकखय २६ करोड ११लाख ९५ हजार तका मुनय धुंगु दःसा वाहयपाखं १ अर्ब ५० करोड ११ लाख तका दां वै धायगु अनुमान यागुलि ५८ करोड १७ लाख ७१ हजार मुंगु दः । २०८२ पौष २० गते तकखय नगद मौज्दात नपां रु १ अर्ब १६ करोड ७६ लाख ६६ हजार आय दःगुलिं व मुक्कं अनुमानित आय रु २ अर्ब ४७ करोड ३१ लाख ११ हजारया ४७ प्रतिशत प्रगति जूगु दः ।

व्ययपाखय्

थुगु नगरपालिकाय् स्वीकृत जूगु बजेटकाथं आ.व. २०८२/८३ सं चालु खर्चया नामय रु १ अर्ब ५२ करोड ५३ लाख ११ हजार व पूँजीगत खर्चया नामय रु ८० करोड ४८ लाख व वित्तीय व्यवस्था पाखय रु १४ करोड ३० लाख याडः मुक्क रु. २ अर्ब ४७ करोड ३१ लाख ११ हजार छखय लिइकागुलि आ.व.२०८२/८३ या पौष २० गतेतक चालु पाखय रु.५५ करोड २ लाख ४९ हजार तका खर्च जुयो छखय लिइकागु धेबा ३६.०७ प्रतिशतखर्च जूगु दः । अथेहे पूँजीगत खर्च शीर्षक पाखय रु. ११ करोड ७७ लाख ४२ हजार तका खर्च जुयो छखय लिइकागु धेबा या १४.६३ प्रतिशत जक खर्च जूगु दः अलय वित्तीय व्यवस्था पाखय रु. १ करोड खर्च जुयो छखयलिइकागु धेबाया २७.४१ प्रतिशतजक खर्च जूगु खानय दः ।

क) शिक्षा:

खप नगरपालिकां नेगु इन्जिनियरिड कलेज नपां न्हयगु शैक्षिक शैक्षिक संस्थातचाय्कः देशां देछिया ब्वनामिपिन्ता म्हुवचा धेबां भिंगु, बांलागु शिक्षा बियो वयो च्वंगु दः । नगरपालिकापाखं चाय्कःतःगु कलेजतयसं थीथी इलय थी थी विषयया राष्ट्रिय अन्तराष्ट्रिय सम्मेलन ग्वसःग्वयोच्वंगु दः । नकतिनिजक त्रिभुवन विश्वविद्यालय भौतिक शास्त्र केन्द्रीय विभाग, खप कलेज अफ इन्जिनियरिड व काठमाण्डौ विश्व विद्यालय भौतिक शास्त्र विभागया मंकः ग्वसलय पुस ५ व ६ गते 'खाद्य सामग्री, स्वास्थ्य व कृषि लागाय प्लाज्माया छ्यला' विषयलय अन्तराष्ट्रिय कार्यशाला गोष्ठी तःजिक क्वचाल । खप इन्जिनियरिड कलेज व खप कलेज अफ इन्जिनियरिडया मंकःग्वसालय २०८२ माघ ५ गतेनिसं ७ गते तक 4th International Conference on Earthquake & Past Disaster Reconstruction Planning विषयया अन्तराष्ट्रिय सम्मेलन जुय तांगु दः । अथेहे वैगु फागुन १ गते

'कम्प्यूटर, इलेक्ट्रोनिक्स व इलेक्ट्रिकल्स इन्जिनियरिड' विषयया राष्ट्रिय सम्मेलन यायगु कुतः याडः च्वंगु दः । भनीगु इन्जिनियरिड कलेजं मदिकक दायं दायं पतिकं सम्पदा ल्यंकः म्वाकः तयगु व आर्किटेक्चर विषयलय राष्ट्रिय सम्मेलन नग्वस ग्वयो वगु दः । नपां २०८२ जेठ ८ व ९ गते खप कलेजया ग्वसालय प्यकगु राष्ट्रिय सम्मेलन यायगु कुतःजुयो च्वंगु दः ।

नगरपालिकापाखं चाय्कःतःगुकलेज तयसं गुणस्तरीय शिक्षा ता नं उलिहे बःयाडः वगु दः । खपकलेज अफ इन्जिनियरिडया सिभिल इन्जिनियरिड शैक्षिक कार्यक्रम २०७६ पुचःयाब्वनामि ई.गौरव भूषालं वि.सं. २०८० सालया सिभिल इन्जिनियरिड विषयलय स्नातक (बी.इ. सिभिल) य् दकलय् च्वजःम्हा जुयो त्रिभुवन विश्वविद्यालय ५१ कगु दीक्षान्तसमारोहसं 'शिवराज पन्त स्मृति पुरस्कार' त्याकगु दःसा खप बहुप्राविधिक अध्ययन संस्थानय् शैक्षिक वर्ष २०७९/८० सं भर्ना जूपुं १९ कगु पुचः या ब्वनामिपिनिगु अन्तिम परीक्षाया लिचवलय ३९ म्हा ब्वनामिपुं जाँच ब्यूगुली ३७ म्हाः ब्वनामिपुं विशिष्ट श्रेणी खय नेम्हा ब्वनामिपुं प्रथम श्रेणीखय पास जुयो गुणस्तरीय शिक्षा बियो च्वंगुया दसु पिबवगु दः । ब्वनयकुथिया शिक्षा गुणस्तरीययायता नगर शिक्षा समितिपाखं नगर परीक्षा समिति निःस्वाडः डागू, च्यागू व हिगू तगिंया जाँच कायो वयागु दः । वांगु २०८१ सालया एसईई परीक्षासं खप नगर दुनयया ६० गू ब्वनयकुथि पाखं २ हाजर ४१० म्हा परीक्षार्थीत जाँच ब्यूगुली २ हजार १६६ म्हा पास जूगु खः । श्व जाँच ब्यूपुं मध्येया ८९.८८ प्रतिशत खः ।

खप नगरपालिकापाखं चायकगु शैक्षिक संस्था सं गरिव व जेहेन्दार ब्वनामिपिनि लागि दायं ४ करोड स्वयो अपः छात्रवृत्ति इडःवगु दः । आर्थिक रुपं कमजोरपुं ब्वनामिपिन्ता च्वजायक ब्वनयता सहूलियत दरं ब्याज कायो शैक्षिक ऋणया व्यवस्था याडः वगु दः । आ.व. २०८२/८३ खय ९९ म्हा ब्वनामि पिनिगु लागिं म्हातिं ५ लाख तकातक शैक्षिक ऋण स्वीकृत याडः चालु आ.व. खय ५० म्हा सिता १ करोड ७२ लाख २७ हजार तका ऋण विय धुंगु दः । राजनीति शास्त्र, नेपाल भाषा, भूगोल, संस्कृति, अर्थशास्त्र व दर्शनशास्त्र ब्वनिपुं नगर दुनयया ब्वनामिपिन्ता पूर्ण छात्रवृत्ति वियगु नीति काथंथुगु इलय खुम्हा ब्वनामिपिन्ता स्नातक/स्नातकोत्तर/ एम फिल/विद्यावारिधि तगितकता छात्रवृत्ति वियागु दः । अतक थुगु नगरपालिकां क्वःछिडः तःगु विषयलय छात्रवृत्तिकायो च्वजायकः ब्वडः च्वंपुं २५ म्हा स्वयो अपः दः ।

वडा वडाया शिशु स्याहार केन्द्र चायकेगु योजना काथं थुगुसी खप नगरपालिका वडा नं. १० कमलविनायकय् शिशु

सच्छि व न्हयस्वंगुगु स्वप पौ, बःछि पौ (पाक्षिक)

स्याहार चाय्केगु कुतःजुयो च्वं दः । थुकाथं शिशु स्याहार केन्द्र निसं स्नातकोत्तर तगिंतक शिक्षा बिडगु खवप नगरपालिका नेपःया छगू जक नगरपालिका खः । नेपःया सरकारं खवप विश्वविद्यालय विधेयक पारित याडः ब्यूसा विश्वविद्यालय तक न्ह्याकगु खवप नगरपालिका देया न्हपांगु नगरपालिका जुई ।

ख) स्वास्थ्य

खवप नगरपालिकां छँ छँ नसिंड सेवा, वडा वडाय् स्वास्थ्य केन्द्रत चाय्कः १०० गू शैय्याया खवप अस्पतालचाय्कःवगु दः । खवप अस्पतालया स्वास्थ्य सेवा व सुविधाया गुणस्तर बांलाकय्या लागिं आधुनिक स्वास्थ्य उपकरणत ताडः यंकय्गु ज्या न्ह्याडः च्वंगु दः । खवप अस्पताल दाच्छीखय ३६५ दिन ११ घण्टा ओपिडी सेवा ब्यूब्यू जनताया स्वास्थ्य उपचार सेवा सं अःपुक बियगु कुतःयाडः वगु दः । चालु वर्षया डाला दुनय अस्पतालं १ लाख ३३ हजार स्वयो अपः ल्वगिपिन्ता सेवा बिय धुंकुगु दः । वांगु आ.व. २०८१/८२ खय् ७० गु स्वयो अपः जिल्लाया २ लाख ८९ हजार म्हा स्वयो अपः ल्वगिपिनिगु सेवा यागु दः । अस्पतालं गुणस्तरीय उपचार सेवा बियो वगु नपां वैगु माघ महिनानिसं सी टी स्क्यान सेवा नं न्ह्याकय्गु नपां छगू थप अत्याधुनिक ल्याप्रोस्कोपिक मेसिनं सर्जरी सेवाता अभ्र तःव्याक यंकय्गु कुतः जुयो च्वंगु दः । अस्पतालं सेवा ग्राहीपिन्ता अःपुकय्ता क्यू.आर.प्रविधि पाखं ल्याब रिपोर्ट याडः वियगु ज्या नं न्ह्याकय् धुंकल ।

चालु आ.व.खय् नगरपालिकाया व्यवस्थापनय् चाय्कःतःगु आयुर्वेदिक उपचार केन्द्र पाखं २ हजार २५८ म्हा व छँ छँ नसिंड सेवा २४ हजार ११७ म्हा सिता स्वास्थ्य उपचार सेवा ब्यूगु दः । थुगुइलय खवप तिलगड्गा आँखा अस्पतालं ११ हजार ४९१ म्हा सियाय्गु मिखाया उपचार नपां ३३८ म्हा सिया मिखाया शल्यक्रिया सेवा बिय धुंकल । अथेहे श्वास प्रश्वास पुनः स्थापना केन्द्र पाखं १ हजार ८८० म्हा सिता स्वास्थ्य सेवा उपचार ब्यूगु ल्या दः ।

नगरपालिका नगरबासीपिनिगु स्वास्थ्यता बिचःयाडः मदिक स्वास्थ्य शिविरत तयो वगु दः । अः वडा वडाय् भि.आ.ए.टेष्टपाखं मिसातय्गु मचाछेंया क्यान्सर परीक्षण व दुरुप्वया क्यान्सरया परीक्षण, हाडजोर्नी व नसा ल्वयया निःशुल्क स्वास्थ्य शिविर चाय्कःवगु दः ।

नगर दुनयया नगरबासीपिन्ता धेबा म्वायक हि व अक्सिजन इड बियगु ज्या त्वःमफिडकसिं चालु आ.व सं ३५५ म्हासिता १२ लाख १० हजार क्वतिया धेबा म्वायकः हि १७ हजार १३७ गः तगवगु व चिच्यागवगु अक्सिजन सिलिण्डर इडः ब्यूगु खः । कडा ल्वय जूपुं ९६ म्हा नगरबासी ल्वगिपिन्ता आर्थिक ग्वाहाली काथं

थुगु इलय १४ लाख ४० हजार तका बिय धुंकल ।

न्हि ल्या २०८२ पुस ८ गते निसं ११ गते तक खवप नगर दुनयया सामुदायिक व संस्थागत ब्वनयकुथिया शिशु कक्षा निसं हिगू तगिं तकया ब्वनामिपिनिगु नुगः ल्वय जाँचय् यागुलि ३० हजार ६८३ म्हा मध्ये १४२ म्हा सिया जन्म जात नुगःया समस्या जूगु धःगु दः । व ब्वनामिपिन्ता निःशुल्क उपचार याडः च्वंगु दः । म्ह्वचा इलय उलिमछिसिया स्वास्थ्य परीक्षण यागु थव दकलय न्हपां खः ।

ग) संस्कृति व सभ्यता ल्यंकः ठ्वाकः तयजु

थुगु आ.व. सं खवप नगरपालिका वडा नं. ८ या हामा द्योया देगः व खवप नगरपालिकाया वडा नं. ९ या ऐतिहासिक सलौं गणेश देगःलिनयया फल्चा दानय्गु ज्या क्वचाल । खवप नगरपालिका वडा नं. २या इन्द्रायणी द्यो छँ दानय्गु, वडा नं. ४ या हाडा छँ दानय्गु, व इखालाछी मथ दानय्गु ज्या नं सिधैथें च्वंगु दः । खवप नगरपालिका वडा नं. ३ या लायकु लागाया थंथु दरबार दानय्गु ज्या भूवः काथं दरबारया न्हपांगु तला या ज्या सिधय्क नेगू तल्ला खय ज्या साडः च्वंगु दः ।

घ) कृषि

चालु आ.व.सं खवप नगरपालिकां २५ म्हा किसानतय्ता बच्छी अनुदानय् छगू परिवारता ३० टु क्वतिया कृषि सामग्रीत इडःबिल । कृषकपिन्ता नेपःया सरकारं अनुदान ब्यूगु रासायनिक सः समानुपातिक वितरणया व्यवस्था यागु दः । नगरपालिकापाखं पिकःगु प्राङ्गारिक सःव कृषि चुन सहूलियत दरं स्थानीय कृषकपिन्ता बियो वयागु दः । नपां कृषि सःव जैविक विषादीया अभिमुखीकरण ज्या भूवः नं याय् धुंगु जुल ।

गल्ली खिचात व भौचाय्तानं बन्ध्याकरण याकय्गु ज्या नं हछ्यागु दः ।

ड) पर्यटन

खवप नगरपालिकाया उपप्रमुख रजनी जोशीया न्ह्यलुवाय च्याम्हासिंगया छगू प्रतिनिधिमण्डलं न्हिल्या २०८२ असोज ३ गते निसं असोज ८ गतेतक तताकेहैया स्वापु दःगु सहर जनवादी गणतन्त्र चीनया सिचाङ्ग स्वाशासित लागाया सान-नान-नगरपालिकाया भ्रमण याडः न्हिल्या २०८२ असाज ४ गते तताकेहें (भगिनी सम्बन्ध) स्वापु नवीकरण सम्भौता जूगु जुल । अथेहे २०८२ असार १० गते (जुन २४, २०२५) ल्हासा सहरय् जूगु चीनया सिचाङ्ग स्वाशासित क्षेत्र (तिब्बत) व नेपःया दश्वी तताकेहैया स्वापु दयधुंकपु १९ गू नगरपालिकाया बैठकय् वडा नं. ९ या वडाध्यक्ष रवीन्द्र ज्याख्व व प्रमुख प्रशासकीय अधिकृत वसन्त भट्टराईया पुचं ब्वति कःवांगु खः । विदेशी शहर नपां तताकेहैया

सचिष्ठ व न्हयस्वंगूगु स्वाप पौ, बःछि पौ (पाक्षिक)

स्वापुया लागिं सिचाड जनमैत्री संघ व तिब्बतया नेपालीमहाबाणिज्यदूतावासया मंकःगवसालय Share Build Create Together धायगु मूलनारा नपांया उगु बैठक गवसःगवगु खः ।

देशं दुनय व देशंपिनयया पर्यटकपुं सालयगु मतिं ख्वपया पुखु म्हासिङ्के, सम्पदा ल्यंकः म्वाकः तय्ता हज्याय धायेगु नारा ज्वडःख्वप नगरया दक्षिण पाखय्या पुखुत स्वयो, चाहिल 'सांस्कृतिक सम्पदा पदयात्रा' गवसः गवल । अथेहे नेवःसमूदायया लोकं हवागु सांस्कृतिक पर्व योमारी पुन्हीया लसताय योमारीया धिं धिं बल्ला याडः खाद्य महोत्सव व सांस्कृतिक ज्याभ्वः नं यागु जुल ।

आ.व.२०८२ / ८३ खय गैर सार्क पर्यटकपुं ६१ हजार ८५८ म्हा व सार्क व चिनियाँ पर्यटकपुं ४१ हजार २०७ म्हा याडः मुकं १ लाख ३ हजार व ६५ म्हा सिं ख्वपय् चाहयूवगु खौ पर्यटन सेवा व सूचना केन्द्रें अभिलेख दः । वांगु आ.व.०८१/८२ या वहे इलय गैर सार्क पर्यटक ६७ हजार ५२९ म्हा व सार्क पर्यटक ५० हजार ६८१ म्हा याडः मुकं १ लाख १८ हजार २१० म्हा पर्यटकपुं ख्वपय् चाहयू वला । भाद्र २३ व २४ गतेया युवातयगु आन्दोलनं पर्यटन लागाय् बाँमलाक चिचवलाता देया राजनीतिक स्थिति व अन्तरराष्ट्रिय परिस्थितिं याडः थुगु इलय वांगु दायें स्वयो ख्वपय चाहयू वैपुं पर्यटकपुं १५ हजार १४५ म्हा विदेशी पर्यटकपुं म्हवें जुगु खानय् दः ।

च) लकस व सुचुकुचु

ख्वप नगर दुने प्याहाँ वैगु फोहरत छँ छँ नं तुं ध्वगिङ्गु व ध्वमगिङ्गु फोहरत न्हिया न्हियं मुडः ध्वगिङ्गु फोहरं नेपाली (प्राङ्गारिक) सः दय्कः ध्वमगिङ्गु फोहर हकं छ्यलय् ज्यूगु छखय लिङ्क फोहर थासय लाक वयागु दः ।

नगरपालिकाया जनप्रतिनिधिपु, कर्मचारपुं व स्थानीय जनताया ग्वाहाली नगरया खुल्ला क्षेत्र, खुसी सिथय, पुखु, देगःया चाकलीं व सार्वजनिक लागाय् लच्छिया नेन्हू १ गते व १५ गते मदिक्क सुचुकुचु याडः वयागु दः ।

नगरपालिका दुनयया आवास क्षेत्रया लाँसी, खुसीसी व सार्वजनिक थासय सिमाचात पिडः वाउँकतयगु ज्या याडः वयागु दः ।

छ) कासा

नगरपालिकाया गवसालय न्हि ल्या २०८२ मंसिर २५ गते निसैं पुस १ गते तक ख्वप नगर दुनयया ब्वनयकुथि ब्यागु कासाया धिंधिं बल्ला(भलिवल, भतिंग्वारा, कबड्डी, कराँते, एथलेटिक्स, उसु, छ्येबल, खो खो, पोर्टबल, ब्याडमिन्टन, तेक्वाण्डो, चेस, जिम्नाष्टिक, कसिमला पायँ व प्यकुँधुं) जूगुली ८४ गू ब्वनयकुथिया ३ हजार ४५६ म्हा कासिमिपिसं ब्वति कःगु खः । वडा वडाय् छिकोड शारीरिक व्यायाम स्यनयगु ज्या मदिक्क न्ह्याकः अन्तराष्ट्रिय युवा दिवसया लसताय ख्वप नगरपालिका वडा नं. १ य भाजुपुखु सिथय बृहत छिकोड शारीरिक



सचिह व न्हयस्वंगूगु स्वप पौ, बःछि पौ (पाक्षिक)

व्यायाम ढवज्या नं जुल ।

खप नगर दुनयया फुक्क संस्थागत व सामूदायिक ढवनयकुथिया मिसामचापिन्ता स्वयो आत्मरक्षा तालिम व विद्यालय भलिबल प्रशिक्षक प्रशिक्षण तालिम नं श्वहे इलय बिय धुंकगु खः ।

ज) ल्यासे ल्याम्होपिन्ता लाहातय ज्या बियगु

लघु उद्यमीपिनिगु व्यवसाय हछ्यायता मःगु, काथंछिगुप्रविधि वियगु, युवालक्षित प्यलाया चिनियाँ व जापानी भाषा तालिम प्रशिक्षण व सुज्या सुयगु, साँच्याकयगु, ज्वरय यायगु पाकशिक्षा, कम्प्यूटर, छेंगु लकां सुयगु थजगु लाहातय ज्या दैगु तालिमत नं थुगु इलय बिय धुंकगु खः । गुकिं सलंस ल्यासे ल्याम्होपिसं ज्यासय्कगु दः । तालिम कःपुं ल्यासे ल्याम्होपिन्ता ज्या दय्क बियता सहलियत दरं 'युवा उद्यमशील ऋण' बियो वयागु दः ।

क) विकास निर्माण

खप नगरपालिका वडा नं. ६ अँचा पुखु सिथय् आदर निकेतन भवन दानय् धुंक न्ह्याकयगु भूवल्य दः । खप नगरपालिका वडा नं. ६ देकोचाय् अरनिको सभा भवन दानय्गु आयोजनासं न्हांगु तल्लाया फ्रेम स्टक्करया ब्लक A व B या ज्या सिधयक ब्लक C या ज्या जुयो च्वंगु दः ।

खप नगरपालिका वडा नं. ८ लिबाली 'शितभण्डार गृह' दानय्गु ज्या रु. ३ करोड ५९ लाख ६५ हजारय् क्वचाय् धुंगु व न्ह्याकयता मःगु मेसिन उपकरणत न्यायगु जुयो च्वंगु दः । नगरया थाय् थासय् देकोचा, कमल बिनायक, काल्हाँचा व थी थी थासय लॉ पिच यायगु ज्या क्वचाल । खप नगरपालिका वडा नं. ४ राममन्दिरय् तारा मा.वि भवन दानय्गु ज्या या टेण्डर आह्वान याडःठेक्का सम्भौता जुयो ज्या हज्याय धुंकल । खप नगरपालिका वडा नं. ७ खँचाया स्वास्थ्य केन्द्र भवन दानय धुनिन सा खप नगरपालिका वडा नं. १० बेखालया जन स्वास्थ्य केन्द्र भवन न्ह्याकय् धुंकल । अथेहे खप नगरपालिका वडा नं. १ दूधपाटीया बहुउद्देश्यीय भवन दानयगु ज्या हज्याडः च्वंगु दःसा वहे वडाया इशानेश्वर देगः दानय्गु ज्या व सल्लाघारी इटापाके सडक ल्हवनय्गु ज्यानं सिधैन ।

ग) विविधः

थीथी स्थानीय तह अध्ययन भ्रमणया भूवल्य २०८२ कार्तिक १७ गते सिन्धुलीया कमलामाई नगरपालिकाया उपप्रमुख मञ्जु देवकोटा, कार्तिक १८ गते धनुषाया नगराइन नगरपालिकाया प्रमुख विनय कुमार यादव व जनकपुर उपमहानगरपालिकाया प्रमुख मनोजकुमार साह, कार्तिक १९ गते जलेश्वर नगरपालिकाया

प्रमुख सुरेश शाह सोनार, बर्दिबास नगरपालिकाया प्रमुख प्रल्हाद कुमार क्षेत्री व कार्तिक २३ गते सिरहाया लाहान नगरपालिकाया प्रमुख महेशप्रसाद चौधरी नपां नपालाडः अनुभव कालबिल जुल । वहे भूवल्य वागमती प्रदेशया मुख्य मन्त्री इन्द्रबहादुर बानिया नपां नपालाय्गु ज्या जुल ।

भापा दमक नगरपालिकाया नगर प्रमुख रामकुमार थापाया न्ह्यलुवाय जनप्रतिनिधि व कर्मचारीपिनिगु पुचलं खपया अध्ययन भ्रमण यात । थुगु भूवल्य इलामया सुय्योदय नगरपालिकाया उपप्रमुख दुर्गा प्रसाद बराल व मोरङया रंगेली नगरपालिकाया जनप्रतिनिधिपिनिगु पुचलं खपदे भ्रमण यात ।

नेपाल प्रशासनिक प्रशिक्षण प्रतिष्ठानं नेपःया सरकारया निजामती सेवाय् द्रुहं वपुं नवप्रवेशी शाखा अधिकृतपिनिगु खुलाया 'आधारभूत प्रशासन प्रशिक्षण' या प्रशिक्षार्थी अधिकृतपुं १२० म्हासिया पुचःखपनगरपालिकाया पुरातात्विक व सांस्कृतिकसम्पदात स्व वगु जुल ।

श्वहे इलय जनवादी गणतन्त्र चीनया Wast China Unirerity of Technology छिङ्गहाइ मिन्चु यूनिभर्सिटीया प्रतिनिधि मण्डल व जापान इन्टरनेशनल मेडिकल टेक्नोलोजी फाउण्डेशन (जिस्टेफ) या चिकित्सक पुचलं खपय वयो नपालाडः चाहिल नं दिल ।

खप नगरपालिकावडा नं. २ व ६ खय् न्ह्याकगु देकोमिबा इटापाके आवास योजनासं खानय् दःगु समस्या स्वापु दःपुं जग्गा धनी व म्ह्वेतनपां सल्लाह याडः ज्यंकय्गु कुतः जुयो च्वंगु दः ।

खप नगरपालिकाया बजार अनुगमन पुचलं इलय-व्यलय बजार अनुगमन याडः बजार व्यवस्थापन याडः वगु दः ।

खप नगरपालिकाया गवसालय हिंडान्ह्या जेष्ठ नागरिक हेरचाह तालिम व टेलिभिजनया १५ न्ह्या तालिम क्वचाल ।

कार्तिक १५गते निसैं खप नगरपालिका वडा नं. ४ बोलाछें निसैं राममन्दिर ताँ पारीतक व खप नगरपालिका वडा नं. ३ बाराही ताँ निसैं वंशगोपालतक प्यपांग्रा दःगु सवारी साधन निश्चित ई फ्याडः छखय नं जक यंकय्गु व्यवस्था यागु दः ।

दकलय लिपा, खपदेता यचुपिचुगु, स्वय हायँपुगु नगर दय्केता मदिकक गवाहली याडः द्यूपुं सकल जनताता खप नगरपालिका पाखं हकनं छकनिं सुभाय देछायो चवडा ।

(१९ कगु नगरसाभा सं नगर प्रमुख सुनिल प्रजापतिया न्वचुया भाय हिला- सं.)

संघीयता छ्यलय्गुलि व्यवहारिक पक्ष, स्वप नगरपालिका व संघीयता छ्यलय्ता जुयो च्वंगु पंगः

स्वप नगरपालिका प्रमुख-सुनिल प्रजापति

नेपालय संघीयता:-

२०६२/६३ या आन्दोलनय संघीयता प्वंगु मखु । आन्दोलन तः लासेलिं दयकगु अन्तरिम संविधान २०६३ माघ १ गते छ्यलः । अन्तरिम संविधान जारी यासेलिं उकिया विरोधय् संघीयताया माग याडः मर्से (तराई) या जिल्लाय् आन्दोलनत जुल । 'एक मधेस एक प्रदेश' या नारा थवकल । उब्लेया प्रधानमन्त्री गिरिजा प्रसाद कोइराला व तराई आन्दोलनया न्हयलुवापुं च्वडः छगू सम्भौता जुल । सम्भौताख्य देय संघीय प्रणाली नपां अग्रगामी संरचना याय्गु (अन्तरिम संविधानया धारा १३८) जनसंख्या (मनूल्या खाडः) या लिधंसाय् निर्वाचन क्षेत्र क्वःछिय्गु खाँ च्वत । २०६२/११/२५ गते अन्तरिम संविधानया न्हांगु हिलां (संशोधन याडः) संघीयताया व्यवस्था यात ।

संघीयताया खायँ दल तय्गु दथ्वी अपलं छलफल मया । संघीयता मधेसया आन्दोलनता सम्बोधन याय्गु इवल्य संविधानया अड्ग जूगु खः । संसदय संघीयताया छलफल याय्गु इवल्य नेपाल मजदुर किसान पार्टी स्पष्ट धःगु खः । विकेन्द्रीकरण व स्वायत्तताया पूर्ण कार्यान्वयन याय्गु खःसा नेपाल थजगु चिच्याहांगु देशता संघीयता मःगु मरु । संघीयता जादुया कछी मखु, संघीयता ह्यवं हे देश विकास जुइ धाय्गु खायँ जिमिता विश्वास मरु ।

नेक, नेक संविधान सभाया चुनाव जुल । २०७२ सालय नेपः या संविधान छ्यःगु नं हिदादत । संघीयता छ्यःगुनं च्यादा



फूत । संविधानं स्वंगू तहया सरकारया व्यवस्था याता । संविधानय हे संघता ३५ गू प्रदेशता २५ गू व स्थानीय तहता २२ गू एकल अधिकार बिल । व फुक्क अधिकारत बांलाक छ्यलयता १८० गू ऐनत दय्के मः । अथेन संघ व प्रदेश कानून दयकः मब्यूसेलिं अः संघीयता छ्यलय्ता काथं मछिंगु खः ।

संविधानय् संघीयता वल, सिंहदरवार चल्य याइपुं नेता, प्रधानमन्त्री वा मन्त्रीतयगु मति व विचलय अजनं एकात्मक सोचं थाय् त्वः मतनि । पूर्व प्रधानमन्त्री केपी ओली पटक-पटक 'स्थानीय तह संघया कचा जक खः' धायो सार्वजनिक अभिव्यक्ति व्यूगुलिं च्वयया खाँ मखुधाय फै मखु । नेतातय्के गुब्लेतक एकात्मक सोच दैतिनि उब्लेतक संघीयता छ्यलय् फै मखुनि ।

शिक्षा, प्रदेश प्रहरी, निजामती कर्मचारी तयगु महत्वपूर्ण विषयलय् हे अःतक कानून दय्के मफूनि । निजामती

विधेयक पारित जूसां कुलीड पिरियडं याडः (विवादित)खाँ मिलय मजुयो च्वंगु दः । संसद विघटन लिपा उगुविधेयक स्वतः निष्क्रिय जुल । प्रहरी ऐन मदयकगुलिं अः प्रदेशय् प्रहरी हे मरूपुं गृहमन्त्री जुयो च्वंगु दः । जिल्लाया सिडियो स्वयो प्रदेश ग्रहमन्त्री कमजोर अवस्थाय दः । प्रदेश प्रहरीया व्यवस्था दःगु जुसा भाद्र २३ व २४ गतेया स्वनिगः पिनयया प्रदेश संरचना व स्थानीय तहलय आपाच तःहांक मजुइगु खःला ?

गुलिं नेतातय्सं संघीयता धायगु 'देश विकासया अचुक अस्त्र थें याडः नं व्याख्या याता । च्यादाया अभ्यासं व धात्थेगु खाँ मखु धाय्गु क्यन । चीन, जापान, प्रजग कोरिया नपांया एकात्मक, देश नं थः थः गु पहलं दे हछ्याडः च्वंगु दः । गुलिसिनं संघीयतां दे क्वचा थलय्फ दक नं छ्याडः च्वना । थव पनुक्क खायँ राज्यसञ्चालनकपिसं बिचः मयासें मगा । सं.रा. अमेरिका, स्वीटजरल्याण्ड, जर्मनी,

सचिह व न्हयस्वंगुगु स्वप पौ, बःछि पौ (पाक्षिक)

अष्ट्रेलिया, भारत देशं संघीयता छ्यलः हे थःगु दे हज्याक चवना । उकीं संघीयता राज्यया छगू मोडेल जक खः । बांलागू व्यवस्थापन याय मफूसा उकीं बांमलागू लिचव नं वयफः । संघीय राज्यत सोभियत संघ हिंडागू, युगोस्लाभिया न्हयगू व चेलोस्कोभाकिया नेगु टुक्का खय् ब्वथला । सोमालिया, रुवान्डा, बुरुन्डी थजगु देशय् जतीय संघीयतां याडः ल्वापुजुयो च्वंगु दः । उगु देया अर्थतन्त्र तस्कं कमजोर जुयो च्वंगु दः ।

छम्हा नेम्हा नेतातय्सं हिदाया दुनय नेपः देता स्वीटजरल्याण्ड दय्केगु म्हागस क्यना सा गुलिसिनं सिङ्गापुर दय्केगु खौ तला । स्वीटजरल्याण्ड छन्हूखं वा दाच्छी खं दयकगु मखु । त्यला (क्षेत्रफल) ४१ हजार वर्ग कि.मि. व जनसंख्या ९० हजार जक दःगु स्वीटजरल्याण्ड नेपःदे स्वयो थ्यं मथ्यं स्वदुगं चिच्याक्वः । आना २६गू क्यान्टीनत दः । सांसदपिसं लयलयया भत्ता काइ मखु । सांसदपिसं संसद्या ज्याता लाज्या (आंशिक) ज्या काथं काइगु अलय आना राष्ट्रपति नपां न्हयम्हासिया जक

मन्त्रीमण्डलया व्यवस्था याडः तःगु दः । दाच्छिया छक राष्ट्रपति हिली । नेक राष्ट्रपति जुय मरु ।

नेपालय सचिहम्हा स्वयो अपःमन्त्रीत, च्यासम्हा स्वयो अपः सांसदपुं दः । अमिगु लच्छीया भत्ता करोडौं वानिगु । नेपाल स्वीटजरल्याण्ड नपां दाडः स्वयगु पाय्छी मजु । नेपः दे नेपः या मोडेलं हे हछ्यायगु कुतः याय्मः ।

२०४६ सालय निसं शासन सत्ताय वाडः च्वंपुं राजनैतिक दलतय्सं याडः च्वंगु ल्याचाहे मरुगु भ्रष्टाचार, पक्षपात व भागवण्डां याडः जनतात असन्तुष्ट जुयो च्वंगु जुल । ल्यासे ल्याम्होपुं ब्वनामिपुं ज्या मालय्गु नामय् व च्वजाय्क ब्वनयता विदेशय् मवासं मगाडः च्वंगु दः । भाद्र २३ व २४ गतेया ल्यासे ल्याम्होपिनिगु आन्दोलन वा प्रदर्शन शासक दलत पाखं, जुयोच्वंगु असन्तुष्टीया लिचवः खः ।

संघ प्रदेश व स्थानीय तहया दथ्वी छुं काथंया समन्वय मरु । समन्वय व सहकार्य (मिलय जुयो यागु मंकः ज्याया

लिधंसाय विकास याय्गु सविधानं क्यंगु लाँपु खः । संघ व प्रदेशं स्थानीय तहता थमनं धायार्थे च्वनय्मःम्हा काथं या ज्यां अःसमस्या वगु खः ।

संघीयता धिसिलाक छ्यलय् मफूसेलिं प्रदेशत नं मःला, म्वला दक न्ह्यसः थाडः हःगु दः । प्रदेशया राजनीतिक दल तय्सं सरकार दय्केगु व क्वथय्गुलिजक ई फ्याडः च्वना । राप्रपा, रास्वपा व राजमो न्हपानिसं हे संघीयताया विरोध याडः वयो च्वंगु खः । प्रदेश सरकारतय्गु प्रवाहिनतांयाडः अमिता थप बः तांकय्थे जुयो च्वंगु दः । नेपः देशय् अःहे संघीयता ज्यु मज्यु धाय्गु खाय् ल्यजायाय्गु ई मवनि । संघीयता नेपः या लागिं न्हूगु राज्य संरचना खः । थुकिता छ्य छ्यं अभ्यास या यां मचः मगागुलिता भिकः, ताडः हज्याय मः ।

संघीय संरचनासं स्वप नगरपालिका :

नेपः या संविधान समाजवाद उन्मुख राज्य क्वः छिडः तः गु दः ।



सच्छि त न्हयस्वंगुगु स्वप पौ, बःछि पौ (पाक्षिक)

समाजवादया अर्थ उत्पादनया मू मू ज्याभः (साधन) त सामाजिकीकरण याय्गु, शिक्षा, स्वास्थ्य उपचारय् धेबा पुलय म्वालिगु, योग्यता काथंया ज्या व ज्या काथंया ज्याला बिइगु आर्थिक रूपं उथिं ग्यनिगु समाज खः । खवप नगरपालिकां संविधानया वहे मति काथं ज्या याडः वगु दः ।

शिक्षापाखय् खवप नगरपालिकां नेगू इन्जिनियरिङ कलेज नपां उच्च शिक्षा बिइगु न्हयगु कलेजत चाय्क वगु दः । उगु शैक्षिक संस्थाय् देशां देछिया न्ह्युद्र स्वयो अपः ब्वनामिपुं ब्वडः वगू दः । गरिब व जेहेन्दार ब्वनामिपिन्ता दाय् प्यंगू करोडतका स्वयो अपः या छात्रवृत्तिया बन्दोबस्त, इतिहास, भूगोल राजनीति शास्त्र, नेपालभाषा, संस्कृति, दर्शनशास्त्र थजगु विषय ब्वनिपुं नगर दुनयया ब्वनामिपिन्ता पी. एच. डी तकया छात्रवृत्तिया व्यवस्था याडः वगु दः । वडा-वडाय् शिशु स्याहार केन्द्रया व्यवस्थापन, ९२ गू ब्वनय कुथिसं गुणस्तरीय शिक्षा, डागू च्यागू व हिगू तगिंया ब्वनामिपिनिगु जाँच काय्गु व्यवस्थां खवपया शिक्षा बांलाडः वयो च्वंगु दः । नगरपालिकां खवप विश्वविद्यालय चाय्केता कुत नं याडः वगु दः ।

अथेहे स्वास्थ्य पाखय् छँ छँ नर्सिङ सेवा, वडा वडाय् स्वास्थ्य केन्द्रत चाय्क वगु १०० गू शय्याया खवप अस्पताल व खवप तिलगड्गा आँखा अस्पताल चाय्कः जनताता अःपुक स्वास्थ्यसेवा बियो वगु दः । श्वासप्रश्वास केन्द्रया व्यवस्था यागु नपां खवपबासी पिन्ता धेबा म्वायकः अक्सिजन व हि अलय मदिक स्वस्थ शिविरत तयो वगु दः ।

सम्पदा ल्हवनय-कानय व दानय्गु ज्या ठेक्कां बियमज्यगु खाय् जिमिगु बः अजनं अथेहेतुं खः नि । संस्कृति ल्यंकः म्वाकः तय्गु पाखय् स्वय्गु खःसा परम्परागत प्याखं बाजा, न्हूगु पुस्ताता स्यनय्गु, सांस्कृतिक गुरुपिन्ता हानय् ज्या इलय् - ब्यलय् महोत्सव, सम्पदा पदयात्रा ज्या इवः तः यायां मूर्त व अमूर्त सम्पदात ल्यंकःभिकः तय्गुलि नं नगरपालिकां उलि हे ज्या याडः च्वंगु दः ।

फोहर थासय्थासय् लाकयगु ज्याखय् ध्वगिइगु व ध्वमगिइगु फोहरत छँ छँ नं हे छखय् लिङ्के बियो ध्वमगिगु फोहर पाखं नेपाली (कम्पोष्ट) सः दयकः किसानतय्ता मियो, ध्वमगिइगु जुको छथाय् मुडः हकनं छय्यकेता (पुनः प्रयोग) मियो नगरपालिकां आम्दानी याडः च्वंगु दः ।

ल्यासे ल्याम्होपिन्ता कासा व लाहातय् ज्या दैगु तालिम बियो तुतिखय् दानय फयकेगु कुतः याडः वगु दः सा खवप नगरपालिकां सुशासन पाखय् नं बः याडः वगु दः । विकास निर्माणया ज्या जनसहभागिता खय् याय्गु आर्थिक अनुशासन, मितव्ययिता व पारदर्शिता डालः भ्रष्टाचार शून्य नगरपालिकाया म्हासिङ्का ल्यंकः पिब्वयो वगु दः । मः काथंया कानून, ऐन, नियम, कार्यविधि, निर्देशिका दय्कः ज्या न्ह्याकः वगु नगरपालिकां अः तकखय ७०गू स्वयो अपः कानूनत दय्के धुंगु दः ।

जनताता ध्वाथुङ्कः ग्वाकयता थी थी सञ्चार माध्यमत 'भक्तपुर' लय पौ, 'खवप पौ' बःछि पौ, भक्तपुर खबर डटकम, अनलाइन पत्रिका, भक्तपुर म्युनिसिपालिटी फेस बुक पेज, थीथी साफूत पिथना, खवप

टि.भी. व खवप सः रेडियो ज्या इवःनं न्ह्याकः वयो च्वंगु दः ।

संघीयता छ्यलय्ता सानय् दःगु पंगः त

राज्यया जिम्मेवार पदय च्वडः च्वपिसं पटक-पटक प्रदेश व स्थानीय तहत संघया कचा थें जक व्यवहार याडः वगु व गैर जिम्मेवारी खाँ ल्हाडः वगु, म्वायक - म्वायक जिल्ला समन्वय समिति ल्यंकः तःगु संघ व प्रदेशया क्वचात शिक्षा, स्वास्थ्य, कृषि, पशु, सिंचाइत गथे खः अथेहेतुं तयोतःगु, संघीयता छ्यलय्ता पाडः च्वंगु पंगः त खः । अथेहे संघ, प्रदेश व स्थानीय तहया दश्वी समन्वय व सहकार्य मज्गु, छगू नेगू लाखया चिच्या-चिच्याहांगु योजनात नपां संघ व प्रदेशया योजनाखय् तैगु, सशर्त बजेट अपः तः तं समानीकरण अनुदान म्हवचा यायां यंकगु, पूलांगु ऐनत अथेहेतुं ल्यंकः तःगु नं संघीयता छ्यलय्गुलि काथंमछिगु पंगः खः सा स्थानीय तहता कर्मचारी भर्नायाय्गु अधिकार मरुगु स्थानीय तहया लागिं दकलय् तः हांगु समस्या खः ।

श्वथिजःगु व थजगु समस्या पंगःता सरकारं मः काथं ज्या हछ्याय् फःसा नेपालय संघीय प्रणालीया बांलागू लिचवः प्याहाँ वयक ज्या सानय फैगु आशा याय् फै ।

(खवप नगरपालिकाया प्रमुख सुनिल प्रजापति जुं 'नेपाल प्रशासनिक प्रशिक्षण प्रतिष्ठान (स्टाफ कलेज)यल या ग्वसालय न्हि ल्या २०८२ पुस १४ गते 'संघीयता कार्यान्वयन र व्यवहारिक पक्ष' विषयसं न्हूपुं नियुक्त जूपुं शाखा अधिकृत पुं नपां जूगु अन्तरक्रिया ज्या इवः सं तयो द्यूगु न्वचुया भाय हिला-सं)

स्वप नगरपालिकाता न्ह्याबलै सफा,

सुधर तय्गु सकल नगरवासीतय्गु कर्तव्य खः ।

देशं ल्यासे ल्याम्होया न्हयलुवा माल च्वंगु खःला वा विचः स्यल्लाम्हा, परिपक्व व देशभक्त न्हयलुवा ?

विवेक

पुस १३ गते राष्ट्रिय स्वतन्त्र पार्टीया सभापति रवि लामिछाने व महानगरपालिकाया मेयर बालेन्द्र साह्या दशवी छगू सहमति पौ खय् लाहाचिं तल । न्हयगू बुँदाया सहमति पौया प्यंगू बुँदा खय् 'राष्ट्रिय स्वतन्त्र पार्टीया केन्द्रीय सभापति रवि लामिछाने च्वनिगु अल्य अः जुइगु प्रतिनिधि सभाया निर्वाचन लिपा संसदीय लदया नेता व भावी प्रधानमन्त्रीया उम्मेदवार बालेन्द्र साहं जुइगु च्वयो तःगु दः । थुगु सम्झौतालिपा रास्वपाया समर्थकपुं अपलं उत्साहित खानय् दःसा गुलिं स्वतन्त्रबुद्धिजीवी धाय्के मन दःपुं नं लयतःगु हे खानय् दः ।

बालेन्द्र साह यें महानगरपालिकाया मेयर खः । वं थ्वनं हाँ थःगु बिस्कं पार्टीया घोषणापत्र पिकगु मरुनि । व न समाजवाद पाख्य्या खः न पुँजीवाद पाख्य्या । वयागु छुं नं वैचारिक पक्ष सिय दःगु मखुनी । २०७९ सालया स्थानीय तह्या निर्वाचनय व थःगु सङ्गठनया भोटं स्वयो नेका, एमाले व माओवादीत खाडः असन्तुष्ट जूपिनिगु भोटं त्याकगु खः । नेका एमाले व माओवादी पटक-पटक सरकारय् वांसां नं देश व जनताया भिं जुइगु ज्या मयासें भ्रष्टाचार, पक्षपात व भागवण्डाय् लुक्नुबिडः जूगुलिं जनताकय व शासक दल खाडः वितृष्णा वल । अपुं खाडः वाक्क दिक्क जूपुं येंया जनतातय्सं अमिगु पलिसा मेगू विकल्प मालः च्वंगु जुल । अजपिनिगु भोट दयो यें महानगरपालिकाया मेयर बालेन्द्र साह त्याकगु खः । वाय्के राजनैतिक व वैचारिक सङ्गठन स्वयो ल्यासे ल्याम्होपिन्ता मथां हे लाहातय् काय् फैगु सामाजिक सञ्जाल

छ्यलिपिनिगु तः हांगु जमात दः । वहे वयागु शक्ति व निर्वाचन त्याकय्गु लिधंसा जुयो बिल ।

राजनीति न्याप हालय्गु थें अःपुगु विषय मखु न तं क्यडः तंया हल्य हज्याइगु विषय खः । राजनीति धाय्गु नेखें धःदःगु तरवारय् डाय्गु थें ग्यापुगु खः । भातिचाजक च्वयक्वय् लातः धःसा दूर्घटना जुई । गुलि यां मथां हे न्हाडः मदयो नं वानय् फः । रवि लामिछाने थः हे थुकिया दसु खः । वं रेडियो व टेलिभिजनय् ज्या सां तलय् सुननं वं यागु मज्यगु ज्यायाता पिता व्वय्गु कुत मया ? गुल्लें राजनीति बला उल्ले वयागु कर्तुतत फुक्क मुस्या प्वथें प्वलः हला ।

यें महानगरमा मेयर जुयो तम्बय्या हल्य सनक पिकायो इलय ब्यलय ल्यासे ल्याम्होपिन्ता सिंहदरवार छ्ययकेता घ्वाडः च्वना । भाद्र २३ व २४ गतेया आन्दोलनय् धात्थें हे सिंहदरबार नं छ्वयकला । सिंहदरबार छ्वः गुलि वं च्नु वयागु फेसवुक स्टेटस बांलाक हे ज्या याता । देया सम्पदात सिंहदरबार, सर्वोच्च न्यायालय, संसद भवन छ्वयो च्वंबलय वं थःगु मातहतया दमकल छ्वयो महःसें मि स्याय्ता नं ग्वाहाली मया । सहमतिया बुँदा नं १ य् युवा तय्गु आन्दोलनया अपनत्व काय्गु' खाँ न्हि थाडः तःगु दः । आन्दोलनया जिम्मेवारी काइपिसं उल्ले जूगु भौतिक व मानवीय क्षति जुगुया नं जिम्मेवारी काय मखु धाय मज्य । रवि लामिछाने व बालेन्द्र साहं उकिया नं जिम्मेवारी कायमः । गौरी बहादर कार्की आयोगं अमिकय नं बयान काय्मः । उकिं न्हूँ न्हूँगु रहस्य नं चाल,

चाल वानि । सियदयो वै ।

राष्ट्रिय स्वतन्त्र पार्टीया सभापति रवि लामिछाने बहुविवाह, नक्कली नागरिकता व नक्कली पासपोर्ट काण्डनिसें सहकारी ठगया (आरोप) द्वपं लाडः च्वंम्हा मनू खः । व टेलिभिजन कार्यक्रम न्ह्याकः च्वंबलय मेपुं नेतातय्ता खुब नैतिकताया पाठ ब्वंकः च्वनिगु । वयागु विरुद्धय् डागू सहकारी ठगया मुद्दा अदालतय विचाराधीन जुयो च्वंगु दः । अथेनं नैतिकताया लिधंसाय वं सभापति पद त्वः तय्गु मतिमत । वं अःगजगु नैतिकता पिब्वयो वैगु ज्वी ? अज भदौ २३ व २४ गतेया आन्दोलन नपां नपां नक्कली भ्वं दयकः जेलं बिसे वगु द्वपनं वयाता लाडः च्वंगु दः । उगुइलय जेलं बिसे वापुं १२/१३ हजार कैदीत मध्ये दृष्टी मयाकं कैदीत ल्याहाँ मवसें बिसे वाडः च्वंगु खाँ कारागार प्रशासनं धायो च्वंगु दः । वं याडः हे कैदीत विसवाना धाय्गु द्वपं नं वयाता बियो च्वंगु दः ।

राष्ट्रिय स्वतन्त्र पार्टी गुगु विचार व सिद्धान्तया लिधंसाय देशता विकासया लाँपुई हछ्याइगु खः अःतक सिय मरुनि । सरकारया न्हयलुवा लहडंमखु विचारं याइगु खः । स्पष्ट विचार व स्वपुक्नु (दृष्टिकोण) मरुगु न्हयलुवां दे भन अखयला थखयला मदय्फः । नेपःया राजनीति लाहातयता तुति ल्हाड च्वंपुं विदेशी तत्ता कार्थिंकः लाँपु चालिगु, देया सार्वभौमिकता व स्वतन्त्र अस्तित्वखय् खतराया गां डालिगु खानय् दयो वगु दः । निर्वाचनया इलय जनतां थजगु खाँ फुक्क सिद्धकः अपलं चिन्तन मनन

सच्छि व न्हयस्वंगुगु स्वप पौ, बः छि पौ (पाक्षिक)

मयासैं मगा । जनताया छक्क भोतं देया अवस्था बांलाय् नं फः देया अस्तित्व मल्यनय् नं फः ।

युवातय्गु आन्दोलन लिपा बालेन्द्र साह अमेरिकी युथ काउन्सिलया नायो धाय्गु खाँ सिय दय धुंकलसा नेपालय् राजनैतिक अस्थिरता हय्ता दां दां हाँ निसैं अमेरिकी आई एन जिओत करोडौं डलर खर्च याडः नेपःया ल्यासे ल्याम्होपिन्ता छपाछधि याडः च्वंगु नं बुलुहुँ सिय दयो वगु दः । उकीं साहया स्वापु पश्चिमात नपां दःगु अलय् ल्यासे ल्याम्होतय्गु आन्दोलन अमिगु निर्देशनय् जूगु अः बांलाक सिय दयो वल । आन्दोलनया इलय बालेनं वार्ता सेनानपां जक जुई धाला । अथेहे जुला । मन्त्रीमण्डलया नकीं (अध्यक्ष) खय् सुशीला कार्कीता थःगु समर्थन दः धाला । संविधानय् मिलय मजुसां देशय अपलं ध्वंश जुइगु पाखं जोगय् याय्ता दलतय्सं उकिता नं ककु लथ्याता । वं संसद विघटनता पूर्व सर्त तला अलय न्हूंगु निर्वाचनय वानय्ता नं दलत तयार जुल । थुकाथं दे वं क्यंगु लॉपुइ तः लालां वान । व स्वयो वयाय्गु लिनय च्वंगु शक्ति थुकिया फुक्क डिजाइन याडः च्वंगु शक्ति खः धाय्गु खाँ चाकलिं पुष्टि जुयो वगु दः । पिनय् खानय् दःगु अमेरिकी युथ काउन्सिल, बारबरा फाउण्डेसन, समता

फाउण्डेशन धःपुं खः । नेपः या नेतात व नेपाली सेनानपां लिचिल वांग थुकीं याडः हे खः । थुकाथं अः नेपाल अमेरिकन व पश्चिमा मुलक तयगु मू ज्यासः (गतिविधिया केन्द्र) काथं बालेन्द्र साह खः धाय्गु सियदः। बालेन्द्रता प्रधान मन्त्री याय्गु रास्वपा नपांया सहमतिं नेपः व नेपःमिपिन्ता छु सन्देश बिई ?

सिद्धान्त व विचार मरुपुं ल्यासे ल्याम्हो पिसं देशया न्हयलुवा जुयो ज्या सांकसा छु जुई युक्तेन पाखं सय्के मः । युक्तेनया राष्ट्रपति जेलेन्स्की छम्हा बांलाम्हा प्याखंम्वः खः । निर्वाचनं व राष्ट्रपतिखय त्याकला । व अमेरिका व पश्चिमा तयम्हा चागः (गोटी) खः । वं मालिकं धःथें ज्या या यां यंकला । रुसनपां पश्चिमातय्गु तेका न्वक तःगुलिं निहुँ माल- जुला । गुकिरुस युक्तेनया युद्ध हे जुल । अः उगु नेगू देया दशवी युद्ध (ल्वापु) जुगुनं स्वदा दत । देशं अपलं जनधनया क्षति फयमाला । अजनं वं अमेरिका नपां चवडः युद्धयाडः चवनातिनि । वयागु भौतिक व मानवीय क्षतियां जुल जुलक अः अपलं भूभागत नपां मदय्क चवनय मालिगु खानय दयो वगु दः ।

जेलेन्की बैसं ल्याम्होम्हा हे खः । वयागु वुद्धि मज्जनि परिपक्वता मज्जनि ।

पश्चिमातय्सं ल्हांगु भरय् व युद्धयाय्ता हचिला । दे हयेंगवःजुय धुंकसेलिं अः पश्चिमात नाखय् दुनिगु जहाजय् छाय् च्वनि ? अमेरिकाय् ट्रम्पं वाता राष्ट्रपतियां सुं छम्हा साधारण मनु याताति हे व्यवहार मया । युक्तेनया गुलिं जनधनया क्षति जुला व जेलेन्स्कीं याडः हे जूगु खः । साम्राज्यवादीतय्सं मेपिन्ता गथे ल्वाकिगु धाय्गु छगू गतिलागु दसु युक्तेन जुगू दः ।

उकिं उमेरं ल्यासे, ल्याम्हो मखु देया लागिं मः म्हा अनुभवी, योग्य व देशभक्त नेता अः देशता माल च्वंगु दः । अः ल्यासे ल्याम्होपुं मालादक काँथु सुकः हः जुइपुं अपरिपक्व (कच्चापुं) ल्यासे ल्याम्होपिसं इलय हे थजगु खाय् बिचः याय्मः । देया अस्तित्व हे धुलय मालय मालानिं दुःख तायो चवडां छु याय्गु ? व सीय धुंकया वास थें जक जुई । नेपालय् न्हूम्हा जेलेन्स्की मखू, देश व जनताया नितिं ज्या साडः वम्हा इमानदार देशभक्त व देया ख्वालय न्हिलासु हय फःम्हा सक्षम व परिपक्वम्हा न्हयलुवा हयमाल । वैगु फागुन २१ गते जुइगु आमनिर्वाचनय् नेपःमिपिसं मतिगतयो तःम्हा थजपुं जनप्रतिनिधिपुं ल्ययता फुक्कसिनं थः थः गु थासं कुतः याय्मः । लिपा का ! धायो पश्चाताप याय्गु स्वयो अः हे इलय हे बिचः याय् नु ।

इनाप

खवप नगरपालिका पाखं पिथाडः च्वंगु स्वप पौ बः छि पौ खय् बांलागु चवसु त बियो ग्वाहाली याडः दिसैं । उगु रचनाया ल्य ज्या याडः पारिश्रमिक बियगु खाँ खवप नगरपालिकाया २०७७ श्रावण २६ गते च्वंगु बैठकं क्वः छ्यगु खाँ ब्याक चवडा ।

सम्पादक
स्वप पौ

थः मांयाता अस्पतालय यंकय् धायो लायँसं त्वःतः तक्ल

कुशल

वडा कार्यालय वानयता जानयो च्वडागु इलय् छँ या घण्टी डालय्वं नपां जा नयो च्वडापुं जहानम्हा, काय् भाजु व जिगु ध्यान उखय् पाखय् वान । चिच्याहिम्हा काय भाजुं सुनं घण्टी बिला धायो इयालं क्वस्वयाबलय् थःगु हे त्वाल्य याय्म्हा छम्हा बुहीम्हा अजि धायो इयालं क्वस्वयाबलय् त्वाल्य याय्म्हा अथेहे गुइदाति दः म्हा अजी तुतां चुयो वयो च्वंगु जुयो च्वना । ला बला हँ वयकया जहानम्हा मरुसां निसँ छँ याक्का बुहीम्हा अजि जक थमनं हे जाथु क्यँ थु याडः नयो च्वम्हा स्वम्हा काय दःसां फुकक त्वालं पिनय पिनय छँ दयकः च्वँ वाडः च्वंपुं, अमिनं फुकक मचात ब्वलानय् धुकुपुं जुल ।

बुहा बुही नेम्हा दःतलय चखुंचा- बखुंचायें नेम्हां दुःख सुख हाड पुलांगु छँ च्वडः च्वंपुं वडाय् सामाजिक सुरक्षा भत्ता कः वैवल्य छँया अवस्था बां हेला जक संतोषया खँ कानिपुं, अः छँ थ्यंक वसेलिं पक्कानं छँ छुं समस्या वल ज्वी धाय्गु मनय् तया । थः श्रीमान दःतलय उलि समस्या मरुपुं अः मरुसेली छु समस्या वला ज्वी धायो जानय्गु त्वः तहे जि क्वहँ वया ।

खापा चाय्का, अजिता द्वहँ भासँ जक धाया ज्वज्वलपा धाया बलय चिपगु, लाहा हे लुमान । अलय लाहा लिनयपाखय सुचुका । जिखानय्वं न्ह्याब्लें न्हयल न्हयलः खँ ल्हाइम्हा अजि थौं जि खानय वं हिहिलाडः ख्वगु खाडः जिता तस्कं नुगःमछिन । वयकता गथे हेयकेगु धाय्गु मनय् खँल्हात । अलय अजि तलय

भासँ धाया । तुतिस्यागु ल्वय दःगुलिं स्वन्हं थाहाँ वानय थाकुगुलिं थाना सं च्वडः थःगु समस्या कानय् जक धायो दिल । जिं मख्वसँ थःगु खँ धायोदिसँ जक धाया ।

ख्व मदिसँ अजिं थःगु नुगः खँ प्वंकल - बाबु ! छँ सिहेस्यू जि स्वम्हा काय दः पुं स्वहांतुं म्हातिं म्हातिं पिनय् छँ दाँ वाडः च्वँ वान । अमिता जिगु मतलब हे मरु । अखुनं जिमि नायोम्हा मत जिनं अः गुइदा दत । अथेनं जि याक्का छँ च्वडः च्वडा । अखुनं माहिलाम्हा कायं राजेन्द्र (छुडागु नां) जिं लहिय धायो च्याम्हासिगय् च्वंगु वयागु छँ ब्वडः यंकला । जिनं याक्का छाय च्वनय्गु, काय् भौ छय्पुं नपां च्वनय्दक लयतायो काय भाजु लिसँ वाडा । सुथायतुं कःवगुलिं चियात्वडः कायम्हासियाय्गु छँ थ्यंकः काय् भौ नपां जानया । अलय बहनीथाय् जिता स्वास्थ्य जाँच याकय् यंकय्गु धायो मोटरसाइकलय् तयो हयो त्वाल्यया पुलांगु छँ तुं हयो त्वःतः तक्ला । सुथायतक छुं हे खँ मदयक लहिय धायो यंकम्हा काय नं बहनीथाय् अस्पतालय् यंकय्गु त्वहः तयो छँ त्वः तय हला । सुथाय् जा नया बलय् नेम्हा तिपु ल्वागु ताया । जिगु हे खायँ ल्वागु जुइक धाय्गु मति तया । अलय सायद वहे खायँ मखां जुइ जिता छँ लिता तय हःगु । उलि जकला बाबु ! सुथाय् काय भाजु लिसँ वाडाबलय् आना हे च्वनय्गु जूसेलिं धायो हाकुपरासी स्वत्व, पुतु नं नेपा व गा स्वपु नं यंकागु, वनं लिता मब्बू । गजम्हा काय लहिय धायो यंकः बहनी छँ लिता तय हःम्हा कायं

जिगु नं, परासी तक लिता मब्बू । त्वाल्य याय्पिन्ता धायो फोन याकां अजगु छुं नं यंकागु मरु धायो मखुगु खँ ल्हात । वनं कि भम्चां कि छय् नं सुचुकला जुई । गुलिजक जालिपुं भौ व छय ? कः बाबु जि अमिगु छँ च्वनय् मगु नं मरु । जिगु नं, परासी, गा जक लिता कायो बिया ।'

अजिया माहिलाम्हा काय जिगु हे बैस याय् म्हा मचात बलय् त्वाल्य नपां म्हेतापुं अलय् वया जहान व सन्तानत गजपुं धाय्गु यां मसिया । छायधःसा अपुं तःदादत पिनय च्वँ वांगु । जिं स्वय व उलि बाँमलाम्हा मनूयां मखु । अलय ई, परिस्थिति संगतं सुयाता छु गथे हिइकः बिइ धाय थाकु । उकिं अः थाना च्वडः वयागु बारे बिचः याय्गु पाय्छि जुइ मखु ।

जिगुमनय् मेगु खँ लुयो वल- छि छाय् माइलाम्हा काय नपां च्वँ वाडालय् दक न्यडा बलय् वयक अजिं ख्व ख्वं हे लिसः बिल- 'जिमि नायोम्हा मदय धुकः स्वम्हाफुकी छँ वयो लच्छी -लच्छी छँ वयो अमाता जा थुयो मःगु सुसाकुसा नपां मःगु वयवस्था याडः बियगु दक सल्लाहयाता । वहे काथं ज्या नं जुयो च्वंगुलि लच्छी तक छँ वयो च्वनय्ता थाकुल धायो माहिलां छँ यंकः ल हियगु धायो कःवगु अलय् मिसा, मचातय्सं कचकच यात ज्वी । छन्हू हे लहिय मफूत । छँ लिता तय हल । जि अमिथाय् च्वनय् मःगु नं मरु । जिगु वस जक लिता काय बिया ।'

अजिया खँ न्यडः जिगु नुगः खुलुलुलु मिन । अजिता ख्वयमते धायां

सच्छि व न्हयस्वंगूगु स्वप पौ, बःछि पौ (पाक्षिक)

भन खवयो जक चवन । जिं वया काय्या मोबाइल नम्बर दःला धायो जिगु मोबाइल स्वया मरु खनि । अजिकय न्यङां मसिया धाल । अलय जिं वडाय् वाडः मोबाइल नम्बर लुइकः सःतः खाँ ल्हाय् धाया न वयक खवदित । अलय वयकता चिन्ता कायमते । अः छँ हँ धायानिं वयक तुतां चुयो छँ लिहाँ भाल ।

जि तलय ल्यं दःगु जा नः वाडा । जिता धाःसा जाया सब हे मत, जिगु मनय वहे अजिया समस्या गय ज्यंकय्गु धाय्गु खाँ जक लुयो वयो चवना । समस्या नं गज-गजगु वडगु धाय्गु मनय खाँ ल्हाक ल्हाक जि वडा कार्यालय वाडा । वडा कार्यालयसं सेवा ग्राहीत अपलं दःगुलिं वयकपनिगु समस्या न्यं न्यं अजियाता बियागु बचं नं लुमान । वयकता न्हिं न्हिं त्वालय खाडा अयनं जिकय् वयकया समस्याया खाँ लुमाडः मव ।

छन्हू त्वालय छगू ज्या इवः सं जिगु मू पाहाँ लय् वाडा थाय् वयक अजिनं भःगु खः । वयकलं जिता खानय वं वयकया वसया खाँ न्यन । अलय हकनं खवल । जिं न्हयाथय् याडः जुसां वयकया नं हयो बिय हे मः धायो दिल । वयक खवःगु खाडः मेपिसं छाय खवःगु धायो जिकय् न्यन । जिता छु धाय छुधाय जुल । धात्थें धाय्गु खःसा जिं वयकया समस्याया खाँ न्यडः ताडः हे मस्वयानि । अलय जिं अजिया समस्या लुमाडः हे न्यनय् लुमांगु खः । जिता काथं मछिं थें नुगः मछिं थें जुयो वल । वडाध्यक्ष जुयो बुहीम्हा अजिया छगू समस्या हे मज्यंकसिं जुयागुलि जिता पश्चाताप जुल । जिं

वयकया वस गथे याडः दयकः तयागु धःगु खाँ न्यडः चवडा । मेपिसं यां म्वलक वस छजु नेजु माया याय म्वल न्हँगु न्यो जक नं धाल । अलय वयकलं व वसया माया त्वतय मफयागुलि वहे वस मः दक जिद्दी याडः चवन । जिं छु हे मधःसिं थःगु गल्ली जूगुलिं न्यडः जक चवडा । वयकलं न्हयाथय् याडः जूसां वयकया हाकुपरासी, पुतु नं व गात हयो बियमाल दक जिद्दी याडः चवन । अलय जिं ज्याया व्यस्ततां याडः छिगु खाँ जिं न्हि थानय हे मलात । लिइ मलाडः न्यनकानय नं याय् मफूत धायो क्षमा फ्वंसे बरु जिं अः हे काय्ता फोन याय् धायो वया कायया नम्बर सुयाय्के दः ला जक ज्या इवः खय् व पिन्के न्यडा । धात्थें छम्हासिकय् दःगुलि वयाके नम्बर कायो बुहीम्हा अजिया हःनय हे फोन याडा । फोन ल्हानय वं जिं छि बुहीम्हा मांयाता लहिय धायो यंकः छाय न्हिच्छि हे मतः सिं लिता हया ? अलय थः मां ता अस्पतालय यंकय्गु धायो छाय् छँ त्वःतय हया ? गुइदा दः म्हा, थः ता बुइकम्हा मां छम्हा हे छंता लहिय थाकुल क माखुला ? छु छं मिसा, काय् म्हाय खाडः ग्याडः ल महीसैं लिता तय हयागुला ? लिताहःसेलिं यंकगु वस नं लिता बिय म्वला ?

जिं तःगु न्हयसं छकलं तयागुलिं व इतिमिति कान । अलय वं जिता नाइक हे लिस बिल - 'जिं अमाता लहिय धायो यंकः लिता तय हयागु यां खः । छँ या परिवारिक समस्यां याडः जिं व्यवस्थापन याय मफूत । परिवारपिसं वांलागु लिचवः मक्यंगुलिं जिं थजगु पला

छिय माल । अलय अमाया वस पो थाना मरु । सुनं सुचुकगु नं मखु । अमां गनातला जिं मसिया । मखुसा छि हे थाना भायो फुक्क दराज चाय्क स्वसां ज्यू । मखुसा छजु नेजु वसया लोभ जिता छाय माला ? अमाता अखुनं हे जिं धाय धुंगु खः । नत्र छिता दुःख बिय मःगु हे मखु । बुही जुयानिं अमाता सम्भे याय हे थाकु ।

न्यडः च्वंम्हा अजि भन तः तः सलं खवल । जिं वया मां खवःगु जिं फोन हे न्यंका । काय्म्हासिया छुं हे धाय् थाय् मन्त । जिता नं छु धाय् छु धाय् जुल । अथेनं फुक्क दराज चाय्क हकनं छक माल स्व जक धायो फोन ताय् बिया । अजिता खवयमते धाया । अजिया खव दि हे मदी ।

अजिता छिकाय्ता हकनं छक सम्भेयाय् दक धाया । अथेनं बुहीम्हा अजिता जिगु खायँ छतिं हे विश्वास वां थें मचवन । वयकया मिखालय् खवबी मदी । जिं वयकता ज्या इवःया हःनय फेतुयता धाया । वयक खवबी त तं लाइनय् च्वँ भाल । जिता धःसा तस्कं हे काथं मछिगु थें म्हाय पुसे चवन । जिता तस्कं नुगः मछिडः चवन । वयक अजिया वस गथे याडः हयो बियगु जुई धायो बिचः याडः चवडा ।

गज गजपुं काय भौ व छय पुं नं दय यो खनिं । थव गजगु समाज, गथे जुयो वला ? थौ या समाज गुलि क्व ह्योडः वाना धाय्गु मनय वाल । छन्हू वया कायया छँ हे वाडः खाँ ल्हाय् माली धाय्गु मति तया ।

**नगरपालिका भीगु हे संस्था खः
इलयहे करपुल ग्वाहाली याय्नु**

द्यो चाकु सङ्क्रान्ति व नेवः परम्परा

आशा कुमार चिकंबञ्जार



नेवः संस्कार दुनय वैगु नखा चखात नेवः जातिया म्हासिङ्का धःसां नं पाइ मखु । अलय नेवः संस्कृतिया ज्ञानं जायो च्वंपुं नेवःतय्गु छँ खा पतिं नखा-चखापतिया संस्कारया पहलं भः भः धायो च्वनि । गुलिं थमनं सिङ्कः गुलिं स्पुपुं थाकाली पिन्के न्यङः जूसां नखा चखाया हलं ज्वलंत मुङः च्वनि । छँ दःगु छँ मुङः मरुगु न्याङः ल्या खाई । मनं मनं दः मरुगु स्वई, परिवार नपां सल्हायाई ।

गुलिं नखा तिथि मिति काथं डाय्कीसा गुलिं नखा मिति ल्याखं डाय्की । अथे धाय् चन्द्रमास व सूर्यया लिधंसाय् डाय्की । अजगु सूर्यमासया लिधंसाय् डाय्किगु नखामध्ये द्यो चाकु सङ्क्रान्ति नं खः । गुगु माघे सङ्क्रान्ति अथे धाय् माघ १ गते खुनुं निसैं हे माघ लगय् जुइगु धःसा नेवः तय् छ्यलापुन्ही साति खुनुं निसैं हे माघ लगय् जुइगु काथंमनय् याई । थुखुनुं निसैं हे खवपया खौंहे (हनुमानघाटय्) माधव नारायणया व्रत च्वडः लच्छीतक भक्ति भाव याई । माघ महात्म्य हाली । थी थी द्योतय्गु नां कायो माघ ज्वछी स्वस्थानीया बाखं कानी । छगू काथं धार्मिक व नैतिक विषयया साहित्य गोष्ठी थें हे जुई । अलय गुब्बलें गेडागुडीया थी थी ज्वलं नपां बहंचा (बदाम) नं सियो नकय्गु याई । थव चिकुलाया इलय्

जिउ क्वाकय्गु नसा काथं कायो तःगु सिय दः ।

माघे सङ्क्रान्ति नं चिकुलां थिय मफयक जिउ क्वाकय्गु काथंया नसात नइगु नखा खः । थुगुइलय चिकुलां कुंकः छँ अलछी जुयो च्वनि धाय्गु मतिं पुर्खां तिर्थय वाङः म्वः ल्हूय्गु, ख्वः सिलय्गु सुथाय् न्यलंया ज्या अलय बहनी स्वस्थानीया बाखं न्यकिगु काथं चिकुला छ्याय्गु याकः तःगु तस्कं बुद्धिमता पूर्ण ज्या धाय्मः । माघे सङ्क्रान्ति खुनुं द्यो चाकु नयमःगु याङःतःगुलिं थुकिता द्यो चाकु सङ्क्रान्ति (सल्लुँ) जक नं धाय्गु यागु खः । नेवः समाजय थुकिता द्यो चाकु सङ्क्रान्ति धायो हे डाय्की । थुगुइलय नैगु नसात थुकाथं दः ।

चाकुः

चाकु तु पेलय् याङः, तीपिकायो उकिता दाय्कः दयकिगु छताजि नेवः नसा मध्येया खः । तस्कं सागु नसा धायो चाकु खौंगवः छ्यलय्गु या । चाकुगु थ्वँ, चाकुगु मारी चाकुमारी, चाकु चाकु धः गु थी थी खौंगवः नेवः तय्सं छ्यलय्गु या । टुक्का काथं चाकुगु खौं वा चाकु माकुगु खौं खं भुलय याङः तला दक वहे चाकुया उपमा तयो धाइगु चलन दः । पाचालागु, ग्वारागु चाकु काथं दय्कसां छँ छ्वालुक चाकु दायकः तैगु नं दः । चाकु बः तांकिगु नसा काथं नं

छ्यलय्गु या मचाबुपुं मिसातय्ता चाकु जाखय् तयो वा अनेक वास मिलय याङः चाकुवास दाय्क नकिगु स्वय बलय् नं नेवः समाजय् चाकु छगू तागतया बस्तु हे धाय् मः । बुई ज्या सानिबलय् थाकुलकिं जाखय् चाकु स्वथाङः वा चाकुजा थुयो नकिगु चलनं नं चाकु बः तानिगु नसा मधःसिं मगा । चिकुलां लिभालय च्वडः चाकु नयो चिकुला फय फय्केगु काथं द्यो चाकु सङ्क्रान्ति खुनं चाकु नय मःगु याङः तकगु पुर्खाया बांलागु बुद्धि मधसैं मगा । अलय योमारी दुनय चाकु तैगुलिं चिकुलाया सुरुवात चाकु याङः थ्यं मथ्यं चिकुला बिदाइ बिय थेंया इलय् नं द्यो चाकु नयो विदाइ यागुलिं चिकुलाया सिलः मिः पानय्गु थें चाकुनय्गु नं याङः तःगु खः । तोखा या चाकु तस्कं भिं धाई । तुखा खं तोखा जूगु धःसां अः धःसा तोखाय् चाकु दयकिगु म्हवचा जुयो वांसां नां काथंया ज्या धःसा दिगु मरु नि ।

द्योः

द्यो भन तागतया बस्तु काथं छ्यलिगु खः । द्यो चाकु सङ्क्रान्ति धायो द्यो याता नं उलि हे महत्व बियो तःगु दः । साँ द्यो स्वयो मेयौं दुर्या द्यो याता हे अपलं छ्यलय्गु या । थी थी ला दय्की बलय् निसैं अयला खय् इवार्यं याइगुद्योः, बजी छ्यलय् सियो, छ्यलय मारीत छुडः थी थी काथं नैगु द्यो द्योचाकु सङ्क्रान्तिबलय् धःसा काचिकं हे ख्वः गु, धिचिंगु द्यो नय्गु चलन या । द्यो थिकय् जुइगु काथं गरिबं नय मफैगु धायो 'ग्वार्चा नयो द्यो धकः तयो जुला' दक ध्याचु नकिगु नं चलन दः । अथहे सुयातां चाकरी याःसा ध्योलं सिकय् म्वँः नं धाइगु चलन दः । द्यो दुवा च्याकय्गु निसैं मनूया दाहसंस्कारय् द्यो तयो उइगु चलन नं अः तक दः नि । अलय् मनू सीय धुकः थाय् थासय् भगवान द्योथाय् द्यो दुवा सच्छि व च्याप्वा च्याकिगु नपां दुः ज्वः छि द्यो दुवा

सच्छि व न्हयस्वंगुगु स्वप पौ, बःछि पौ (पाक्षिक)

च्याकः मृतात्माता शान्ति याइगु चलन दः ।
उकीं शान्तिया दीप घ्यो दुवा काथं काइगु
जक मखुसैं छगू आँच (शक्ति) बिइगु काथं
घ्यो याता काई । मचाबु म्हा मिसाता तागत
काथं घ्यो चाकु नकिगु काथं थव छगू बः या
स्रोत काथं काइसा गनां मज्वगु चक्कु दःसा
थव यां घ्यो तायता जक ज्यू धायो धवँ नकिगु
नपां घ्यो थें नाइम्हा धायो नाइगु बस्तुया
उपमा काथं छ्यलः वसां थव छगू बः दैगु
तागतिलो नसा हे खः । अलय् ज्या मसां से
अःपुक ज्या क्यनिपिन्ता घ्योलय् लं (नौनी)
काय म्वलः जक नं धाय्गु या ।

लाभाः

काचिलाभा अथे धाय् लाभामाः
लिङ्ग ह्यो वालः घ्यो चाकु नपां तयो नय्गु
नं याई । लाभा छातकीं वा अपलं नलकीं
डःतल पुइगुलिं थव नं क्वा बिइगु नसा मध्ये
खः धाय् फः । काचिकं मल्ला चि, अलय् मू
चिकं(तुचिकं) तयो वाल नइगु लाभा चिकुलां
भवय् बलय्, बजी नै बलय् मारी बजीता
ज्वंगु मध्ये खः । हाँगः दखय् च्वंगुया लाभा
कपः धाइसा च्वका ता कपः मध । उकीं र्व
वा आकार खं हाँग च्वयया लाभाभि थवकिगु
थायता हे लाभाकपः धाय्गु या । गुलिसितां
लाभा हः मन दःसा गुलिसितां लाभा कपः हे
योपुं दःसां नं लाभा हः निसैं कपः थयंकः
ल्वाकः छ्याडः हे दय्की । बुई नं उत्पादन
जुइगु भाति भाति पालुपहःया लाभा जिवयता
निसां थुकि या गन्ध धःसा त्वाथं प्याहाँ वयो
च्वनिगुलिं प्याहाँ वानयता गनं सभाय् वानयता
धःसा लाभा नयो वानय्गु मया ।

तरुः

तरु कन्दमुल काथं काय्गु या । नेता
प्यताजिया तरु दःसां नं मनू तय्सं न्ह्यागुसां
ताजिया तरु माडः प्वलः पुकः नय्गु याई ।
माघे सङ्क्रान्ति बलय् थवनं छाताजिघासा काथं
नय्गु याई । थौं कन्हे विषदीया अपलं छ्यलः
हःगु इलय् थव विषादी मरुगु कन्दमुल स्वस्थकर
मजु दक धाय मछिं । थुकिया भ्या भाति
माकु पहः स्वयो कन्दमुल काथं स्वस्थकर
नसाया रुपय कायो पुर्खा छ्यलः तकगु जुयमः ।

वहे नपां हाम्वया लड्डु नं नय्गु याई ।

बुलुहुँ ख्वाउँ चिल वानिगु अलय्
भाति भाति लुमुयो वैगु सुर्य मकर रेखाय्
च्वनिगु काथं थुकिता मकर सङ्क्रान्ति नं धः
मेमेगु जाति नं थुगु माघे सङ्क्रान्ति थःगु हे
पहलं छ्यलय्गु या । थारु जातिं न्हँगु दँ काथं
माघी धायो छ्यलिगु ब्राम्हण, क्षेत्री जातीं
खसी स्याडः न्हँम्हा जि चा भाजु ता सःतः
दसमी क्वाकिगु नखा काथं नं डायकः वगु
खानय् दः ।

विशेष याडः फुक्क जातिया थः
थः गु पहः व संस्कृति डाय्किगु चलन दः वहे
तः ताजि जातिया छगू हे नखाता स्वइगु
छ्यलिगु डायकिगु पहः पागुलिं हे नेपः दे
विविधताखय् एकता' दःगु दे जक धायो तःगु
खः । गुकीं विशेष नसा ज्वलंखय् थः थाय्
दैगु मेमेगुघासा नं तयो नैगु चलन दः ।
गथेकी लै, लैचाना व आलु नपां मैया ला नं
तयो नय्गु चलन नं गनां गनां खानय् दः ।

माँया ममताया ज्वः मरु । मांया
मायां कपालय् चिकं तकः थः कायया ता
आयुया कामना याइगु नखा नं घ्यो चाकु
सल्ले खः । चिकुलां म्वः ल्हय् थाकुयो च्वनिगु
इलय् थुगु इलय् म्वँ मल्हसैं मगाक ब्यूसेलिं
लिभालय् च्वडः चिकं बुयो बः तानिगु चलन
नं याडः तकगु जुयमः । मां मरुसा थः
जाहानं जूसां कपालय् (लहुकुचाय्) चिकं
तकिगुया छुं बैज्ञानिक आधार धःसा मदै हे
मखु । थव नं अध्ययनया विषय जुयफः ।

माघ महिना भाव भक्तिया महिना
काथं पुर्खा छ्यलः तकगु खः । माघ ज्वःछि
व्रत च्वडः भगवानप्रति लीन जुयो चोखो मन,
पवित्र भावं ज्या सानय्गु काथं हचिइकः तकगु
ज्या थौं फेसन थमजु । अलय् स्वस्थानीया
बाखं दुनय् धार्मिक खोल जक मतःसैं उकि
दुनयया छपु छपु बाखंत समालोचना याडः
कानय् फःसा बांलाइगु ताय्का । पृथ्वीया
उत्पत्ति, जीव विकासक्रम, विज्ञाननपां ल्वाक
छ्याडः विज्ञान सम्मत ढंगं कानय्गु धःसा थौं
या आवश्यकता थें ताय्का । पाप धर्म, स्वर्ग,
नर्क निसैं मृत्यु पर्यन्तया आत्मा थजगु बाखंया

दुनय प्रगतिवादी लॉपुइ द्रहँ वाडः समय, काल,
परिस्थितिया पहः तयो मानव समाजया विकास
नपां स्वाडः कानय् मः थें च्वं । अय् बाखं
सिधय्केता अचेतमारी सच्छी व च्यागः तयो
सिधय्के मःगु लावाण्य देश धायो साँक्वयता
गथे धाला ? उकिया ऐतिहासिक प्रसङ्ग नं
हिलमाल स्वयो कानय् दःसा बांला जुई ।
बाखं दुनय वैगु श्वैर कल्पना नपां असम्भव
खाँयाता नं खः धायो डालः काय्गु व द्यो व
धर्मया मिखालं स्वयो मिखातिसिडः भगवानया
शरणय् धाय्गु स्वयो समाज विज्ञान व
समाजशास्त्रया मिखालं स्वकय् फःसा
समालोचनाया छपु न्हूगु लॉपु चालिगु विश्वास
याय् छिं ।

माघ संघर्षया पर्याय काथं थुइके
मः पु गाडः च्वंगुथासं सिलामं तुल पुगाडः
च्वंगु नाःखय् जलसं च्वडः थाहाँ हे मवगु
सासत बलं सास पिकायो शङ्ख पुयो माधव
नारायणया नां जक कायो साहस मुडः
न्ह्याकिगु पहलं जीवन संघर्ष खः धाय्गु
सिइके मः । द्वन्दात्मक भौतिकवादया
मिखालं स्वयगु खःसा असम्भव धाय्गु छुं हे
मरु धाय्गु ज्ञान काय फःसा नं माघ
महात्म्यया छुं भाति जूसां शिक्षा काय् दै ।
अथेहे फुक्कसिनं याय् मःधाय्गु मरु गुम्हां
सुथाय् त्यलं दाडः द्योचाहिलय् तिर्थय् ख्वः
सिल वै, गुम्हां भजन हालः ल्याहाँ वै,
गुम्हां माघ हालः ल्याहाँ वै । व्रत च्वडः,
सिलामं तुलः, म्हादु दाडः वैपुया साहसी हे
खः । माल धःसा दे व समाजया नितिं नं
अथेहे संघर्ष याय् फःधाय्गु खाँ ग्वाकय्
फःसा समाजता भिं जुई । ह्युपाया नितिं
अः पुई । लॉपु चाली मखुसा क्वपुलांगु
संस्कार दुनय तः क्यडः च्वनय् मालेयो
धाय्गु सारगर्भित खाँ मकांसैं मगा ।

पुसय् माडः माघय् सकी नैगु चलन
नं गनां दः । अः माघया खाँ ब्याक माघ
बलय् हे देया नितिं ज्यान उत्सर्ग यापुं सहिदपुं
गङ्गालाल दशरथ चन्द, धर्मभक्त, शुक्रराज
पिनिगु त्याग व बलिदानता नं लुमांकय् दःसा
माघ महिनाया महात्म्य पू वानिला ।



छचाः खेरं जंगलं आक्रान्त छगू शहर

पूर्ण वैद्य

छँ प्वचिनाः

मनूत बुँज्या वयाचवन

थःथःगु जक छँ चकंक बुँ तना वनाचवन भीगु, भीगु -
तर भी ... गव ?

गुथ्यारत गय् थःथः छँय् छँय् हे नालावन !!

छक्कू क्यब, चुक, लँ थःत मोटर वयेछिंक

स्येँ स्वँ ध्यना काकां सिङ्गु भीगु बँ

भीगु बुँया कँलाय् मलाय् वाछ्वयातल

वं थवं स्याःगु धाये मफयेक ।

ततःजाःगु छँ स्यानाः नःगु भीगु बुँया आकाश

जिगु म्हगसय् जिगु मिखाय् खः वःगु दु ।

झ्याः झ्यालं वांछ्वयाहःगु भीगु बुया क्वचं

थौं जिगु छ्यनय् घाः लाःगु दु ।

जिगु दुधाः जूगु दु

गन बुँज्या जुल - थव भीगु बुँइ सकस्यां सिनाज्या सङ्गु !

थन ला मात्र जग म्हुल

थःथःगु जक छँ ततः जायेकेगु

ज्वाँय् ज्वाँय् क्वथा सयेकेगु

मात्र थःगु किचेन रुम, बाथरूम, डाइनिंग रुम...

बुयाः वयाचवन गन भीगु बुँया लाशय्

प्वलःचा थें, खाइबः सि थें ज्वाँय् ज्वाँय् बम गोलि सङ्गु छँ

गौमन थें ताताःहाकःगु छाउनि छाउनिया छँ

दँय् दँय् पतिं थव छँ तःधिकः जुयाः वयाचवन

गौमन बिया म्हे थें !

गनं ल्यनाचवंगु भीगु बुँयात

बाहाँ लिइथें लित्तुलिनाः स्यानाः नया

भीगु लँयात सुकला थें चय्चय्पुयाः नया

म्हिगःया खचा छँ

थौं बंगला, महल, थवयेकाचवन दरवार घय्पुनाः

सतः, फल्चा, गुगु भीगु कुसा फांगा खः

वा फय् लँय् चवनाचवंगु ।

चत्तावानाः सिनाचवन ककु ताहाःम्ह गिद्ध छँ क्वात्तुक्वानाः । भीगुछंगु जिगुया हे चिं कया पःखाः थना !

- बुँ, ख्यः, सतः, फल्चाया प्रेतात्मात -,

भीगु - छगू समष्टिगत भावनात्मक प्रेतात्मात

कँहालाः खवइ - जि दुने, जिगु नुगः दुने दुने गनं घालय् ।

छय् प्वाः गम्ह, मिखा ल्हवकातः म्हे

थव युगया शक्त घाइते फल्चा नाप

वया खिपतं बाण्डेज यानातःगु तुति नाप

हँ पुतुं फ्यतुनाः फल्चा थें है सिरियस जि -

यानं स्वयाचवना-

थव शहर दुने

शहरया छँ छँ दुने

छँया क्वथा क्वथा दुने

सभ्यता तल्कय् यानातःगु फर्निचरय्

जंगल चुलि जायाः वयाचवन ।

सेफ, कौच, डनलपया लासा तन्नाय्

पर्सि व पेगय् ख्वातुक जंगल वानाचवन

स्वार्थ, शोषणया निर्मम अन्ध पासविकता नवयेक किनाः

जंगल ! बुया वयाचवन मनूतय्गु छय् मिखा कायेक जायेका जंगल

! पुना वयाचवन सभ्यताया शहर दुने दुने !

सभ्य मनू दुने दुने !

जंगल ! सफुती नं दुहां वयाचवन आखः आखलय् न्यनाः

किरिमय् हाकः ल्वाकज्याः थें ।

जिं सत्रस्त थौं -

क्यातु क्यातुगु न्हयपुइ इस्पात थें छाः गु

कंकया जंगल प्रिण्ट जुयाः वयाचवन ।

थथे जंगल न्हंकालिं हे जक

दः वःगु भीगु बुँ

हानं न्हंकाः थौं थःथःगु जक छँ पिनाः

छँया चाकः छिं कंकया पःखाः थनाः ततः जायेक

शहरया नामय् जंगल बुया वयाचवन शहर दुने

छँ दुने

क्वथा दुने

धायें ला -

जंगल ! भ्वपुया वयाचवन सम्पूर्ण भीत

जंगल ! बाः वयाचवन भी दुने भीत हे चुइक ताताः पाक

भीगु नुगः- मिखा हे थवयाः चुइका यकाचवन गन गन

मनूत सिमा पिनाचवन छँ छचाः खेरं

छँ पिहां वइ जंगल त्वपुइत

पःखाः दनाचवन - कंकमा पिनाः छ्यनय्

छंगु जिगुया ल्वापु तके धकाः -

फक्व ततः जायेक

ज्ञान विज्ञान पाना

शक्ति अहमया की ताना

जिक्व ततः जायेक

मनू स्वयाः नं गन गन

ततः जायेक !

ततः जायेक !!

ततः जायेक !!!

स्वप नगरपालिकाया ज्या भवः त

चवय-चवयया नेता, कर्मचारीपिन्के अजनं एकात्मक शासनया मति

पुस १४ गते



नेपाल प्रशासनिक प्रशिक्षण प्रतिष्ठानया ग्वसालय ४०कगु आधारभूत प्रशासनिक तालिम पाख्य 'संघीयताको कार्यान्वयन र व्यावहारिक पक्ष' या खायँ नवनियुक्त शाखा अधिकृतपनिदश्वी अन्तरक्रिया ज्या इवः पुस १४ गते क्वचाल ।

ज्या इवः सं ख्वप नगरपालिकाया प्रमुख सुनिल प्रजापति जुं संघीयताया स्पल्लाक लिवः बिय मफूसेलीं प्रदेशत मःला-म्वला ? धायगु न्हयस दाडः वगु नपां नेपःया लागिं संघीयता राज्य न्ह्याकयगु न्हंगु प्रणाली व अभ्यास जक जुगु खाँ काडः दिल ।

संविधान व कानूनय संघीयता वः सां शासन सत्ताय च्वनिपुं नेता प्रधानमन्त्री, मन्त्री व चवय चवयया तह्या संघीय कर्मचारी पिन्के धःसा अजहे एकात्मक शासन व्यवस्था काथं हे न्ह्याकयगु मति व चिन्तन ल्यडः तुं च्वंगु खाँ व्याकसे वयकलं गुलिनं राजनैतिक दलया नेता तय्सं 'नेपालय संघीयता ह्य फःसा हिदा दुनय नेपालता स्वीट्जरल्याण्ड वा सिङ्गापुर दयकेगु म्हागस क्यंसांनं बौद्धिक जगत व जनताया दश्वी अपलं छलफल व अन्तरक्रिया मयासैं संघीयता पारित याय्ता थाकुयो च्वंगु खाँ काडः दिल ।

संघीयता राज्यया मोडेल जक खः, थुकिता बांलाक छ्यलय मफूसा दे क्वचा क्वचा जुयफःगु दसुत पिब्वसे वयकलं सोमालिया, रुवान्डा थजगु देशय जातीय ल्वापुं याडः संघीय व्यवस्था असफल जूगु खाँ व्याकसे संघीयताया च्यादाया अभ्यासं गुलिनं प्रदेशं थःगु औचित्यतक पुष्टियाय मफूगु खाँ कुलः दिसे प्रदेशं थःगु अधिकार क्षेत्रया ज्या ख्य ध्यान मब्यूसैं बारम्बार सरकार हिल्यगु फोहरी

राजनैतिक कासायजक दलतय्ता त क्यंकः तःगुलिं देशं थौं या अवस्था फय मःगु खः धायो दिल । प्रमुख प्रजापति जुं स्थानीय तहं दयकिगु अपलं कानूनय 'प्रदेश बमोजिम' धायगु च्वयो तःगु दः । अलय प्रदेशं कानून मदयकसेलिं अपलं स्थानीय तहं ज्या सानय्ता काथं मछिंक महसुस याडः च्वंगु खाँ कुलः दिसे संघ, प्रदेश व स्थानीय तह मिलय जुयो ज्या सांसा जक संघीयता स्पल्लाक हछ्याय फै धायोदिल ।

वयकलं संघीय शासन व्यवस्था छ्यलयधुंक न्हपा याय्गु फुक्क जिल्ला स्तरीय संरचनात खारेज

याडः पालिकास्तर वयमःगु खाँ व्याक से राज्यया न्ह्यागु योजनात ठेक्कापट्टाय याकयगु नीतिं याड, देशय अपलं आर्थिक अनियमितता जुयो च्वंगु खाँ व्याकः दिल ।

नेपःया संविधान दुनय च्वडः ख्वप नगरपालिकां याडः वगु व्यावहारिक अभ्यासया खाँ कुलः दिसे वयकलं ख्वप नगरपालिकां नेगू इन्जिनियरिङ कलेज नपां न्हयगू कलेजत चाय्कः दायँ ४ करोड तका स्वयो अपः या छात्रवृति इडः वगुः, इतिहास, भूगोल, राजनीतिशास्त्र, संस्कृति, नेपालभाषा, दर्शनशास्त्र थजगु विषय कायो उच्चशिक्षा ब्वनिपुं ब्वनामिपिन्ता नगरपालिकां विशेष छात्रवृति बियो वगु, नगरपालिकां सामुदायिक व संस्थागत ब्वनयकुथिया शैक्षिक गुणास्तरय धिं धिं बल्लाया नीतिकायो वगु दः धायोदिल ।

ज्या इवःसं न्हंगु नवनियुक्त अधिकृतपिसं न्यंगु जिज्ञासा स्पष्टयासे प्रमुख प्रजापति जुं ख्वप नगरपालिकां समाजवादउन्मुख ज्याता बःयाड थःगु तुतिखय दानयगु कुतः याडः च्वंगु खाँ काडः दिल ।

वयकलं सम्पदा ल्हवनय-कानय व दानयगु ज्याख्य विदेशीतय्के ध्याछ धेबा ग्वाहाली मकसैं जनसहभागिता व उपभोक्ता मोडेलट याडः वयागु खाँ नपां शिक्षकपिन्ता स्थानीय तहं तलब नकयगु अलय नियन्त्रण संघ सरकारं याडः वयो च्वंगु ज्या मिलय मजु धायोदिसे तलब नकयगु व नियन्त्रण छथाय नं हे याय मःगु सामान्य मान्यता नपां सरकारं पालना मयागुलिं हे संघीयता छ्यलयगुलि समस्या खानय दःगु खाँ काडः दिल ।

सचिह व न्हयस्वंगुगु स्वप पौ, बःछि पौ (पाक्षिक)

ज्या इवः सं मेम्हा न्वचुमि चितवनया खैरहनी नगरपालिकाया निवर्तमान प्रमुख प्रशासकीय अधिकृत नपां राष्ट्रिय आयोगया उपसचिव विष्णु प्रवाह सापकोटां स्थानीय तहलय चवड ज्या साडा बलया थःगु अनुभव काडः दिसे स्थानीय तह जनताया दकलय हःनय्यायगु सरकार जुगुलिं थुकिता बल्लाकय् मः धायो दिल ।

संघ व प्रदेशया भरय चवनयगु मखु, स्थानीय तह थःहे स्वतन्त्र व स्वायत्त जुयमः गुलि बःयासे वयकलं स्थानीय सरकार संघीयताया बल्लागु जग जुगुलिं स्थानीय तह बल्लासा जक दे डांकः विकास याय्ता ग्वाहाली जुई धायो दिल । वयकलं स्थानीय तह सयकेगु मू थाय् नं खः धायोदिसे न्हँपुं नियुक्त जूपुं अधिकृत कर्मचारी

पिन्ता देया थी थी स्थानीय तहलय वाड ज्या याय्ता घ्वासा वियोदिल ।

ज्याया सहजीकरण नेपाल प्रशासनिक प्रशिक्षण प्रतिष्ठानया अध्ययन निर्देशक राजेन्द्र अधिकारी याड द्यूगु खःसा आना भायो द्यूपुं नवनियुक्त अधिकृत पिसं स्थानीय तहया बेरुजु, संघ, प्रदेश व स्थानीय तहं दयकिगु ऐन, कानुन व कार्यविधिया सामञ्जस्यता, स्थानीय तहं बिडगु सेवा प्रवाह, जनप्रतिनिधि व कर्मचारीया दश्वी समन्वय, स्वंगू तहया सरकारया दश्वी मंकः ज्या, जिल्ला समन्वय समितिया भूमिका कानुन दयकेता खानय् दःगु समस्या व पंगः त, कर्मचारी भर्नाया अधिकार, स्थानीय तहया आन्तरिक लेखा परीक्षण, प्रदेश सरकारया औचित्यता थजगु थीथी खाय् थःथःगु जिज्ञासात न्यंगु खः ।

अनुगमन

पुस १४ गते

ख्वप नगरपालिका अनुगमन समितिया कजि राजकृष्ण गोराया न्हयलुवाय् वांगु पुचलं कमलबिनायकय् फलफुल, खाद्य व मेमेगु नीगू पसलय अनुगमन यागु जुल । वहे इवल्य अजय विजय स्टोरय् फलय् व फलय् क्वय सामान तयमते धायो म्याद फुगु चिटोस कुरकुरे न्हयगु पाकेट जफत यातसा एस. पी. सेन्टरता स्वन्हूया दुनय दर्ता यो वयगु व फलय सामान मतय्ता धःगु जुल ।



सन्तोष फुड सेन्टर २०७४/७५ य् निसे नवीकरण मयागुलिं नवीकरण स्वन्हूया दुनय याय्ता, धवगिगु फलफूल मतय्ता,

रोजक एण्ड रोजन फेन्सी स्टोरता २०७७/७८ निसे नवीकरण मयागुलिं स्वन्हूया दुनय यो वयता, माया फलफूल पसलय् म्यादफूगु प्राण जूस स्वंग जफत यागु खःसा, तिमिल्लिना फेन्सी स्टोरय् २०७४/७५ निसे नवीकरण मयागुलिं स्वन्हूया दुनय नवीकरण याय्ता जे. बी. स्टोरया दसिपौ पसलय मरुगुलिं स्वन्हूया दुनय ज्वड नगरपालिकाय् वयता अलय म्याद फुगु फान्टा लेमन स्वंगः जफतयातसा सुनापती मोबाइल रिपेयर सेन्टर दर्तामयागुलिं दर्ता यो वगु खः धःसा फलय सामान तःपिन्ता फलय सामान मतयता नं धःगु जुल ।

ए.एल. एस किराना पसलय् म्याद फुगु थी थी सामानत जफत यातसा लक्ष्मी सुन्दर न्हुच्छेया तरकारी पसः दर्ता भवै मरुगुलिं स्वन्हूया दुनय नगरपालिकाय् वयता, प्रदिप बिनायक जेन्स पार्लर पस नं दर्ता भवै मरुगुलिं स्वन्हूया दुनय नगरपालिकाय् वयता धःगु जुल ।

अनुगमन समितिसं दुजः पुं वडाया दुजः पुं ज्ञान बहादुर मानन्धर, रीता फसिकवा, ख्वप नगरपालिका स्यानिटेशन शाखाया न.नि. दिलिपकुमार सुवाल, वडा निरीक्षक रामकृष्ण प्रजापति, कर शाखाया प्रभाष कुमार चालिसे, जिल्ला प्रशासन कार्यालयया नवराज पोखरेल, महानगरीय प्रहरी परिसरमा प्रहरी सहायक निरीक्षक कमल कुमार श्रेष्ठ, राष्ट्रिय उपभोक्ता मञ्चया मनोज थापा नं वांगु खः ।

**ख्वप नगरपालिकाता न्ह्याबलै सफा,
सुधर तयगु सकल नगरवासीतयगु कर्तव्य खः ।**

सुचुकुचु ज्या इवः

खप नगरपालिकाया बःछिया छक मदिक याडः वयो च्वंगु सुचुकुचु ज्या इवः पुस १५ गते हनुमान घाट ख्वेँ ७ वडाया मङ्गलबार जुल ।

ज्या इवः सं वडा नं. ७ या वडाध्यक्ष उकेश कवां जुं हनुमानघाट पवित्र धार्मिक तिर्थस्थल जूगुलिं थानाया मथ, देगः घाट देवालय थजगु सम्पदात ल्यंकः म्वाकः व भिकः तयूता खप नगरपालिकां ज्या याडः वगु सार्वजनिक सम्पति ल्यंकः म्वाकः तयो लकसभिकः व थी थी विकासया ज्या याडः वगु खाँ काडः दिल ।

खुसी मदिक चा लिकायो नगरबासी पिनिगु ग्वाहालीं सुचुकुचु याडः वयागु खाँ नपां सुचुकुचु ज्याख्य भः पिन्ता सुभाय देछायो दिल ।



वडाया दुजः हेरा ख्याजुं खप देता अजनं यचु-पिचुगु बांलागु नगर दयकेता सुचुकुचुता हदाय तयो ज्या याडः वगु छँ खा पतिंया धवगिङ्गु व धवमगिङ्गु फोहरत मुडः नगरपालिकां थमनं हे कम्पोष्ट सः दयकः फोहर थासय लाकः वगु खाँ काडः दिल ।

माओ व स्टालिन बुदिया लसताय प्रशिक्षण

पुस १६ गते



नेपाल कर्मचारी समाज व नेपाल नगरपालिका कर्मचारी एशोसियसन खप नगरपालिका समितिया मंकः ग्वसालय विश्व सर्वहारा वर्गया महान गुरुपुं स्टालिनया १४७ कगु व माओत्सेतुङ्ग १३२कगु बुदिया लसताय नगरपालिकाया कर्मचारी पिनिगु दश्वी प्रवचन ज्या इवः जुल ।

ज्या इवः सं खप नगरपालिकाया प्रमुख सुनिल प्रजापति जुं माओ व स्टालिन ज्या साडः नैपुं वर्गया इमानदार नेता खः धायोदिसे समाजवादी क्रान्तिया लागिं अन्तरराष्ट्रियता जगतय माओ व स्टालिन याडः द्यूगु योगदानया लुमन्ति खप नगरपालिकां कर्मचारीपिनि दश्वी वयकपिनिगु बुदिया लसताय प्रवचन ज्या इवः न्ह्याकः वयागु खाँ वयकलं काडः दिल ।

माओया जगय् दाडः चीन हलिमय्या उदीयमान देश काथं हज्याय फःगु खाँ व्याकसे वयकलं शत्रुया जः व धम्कीं मग्यासं माओ चीनया विकासया लागिं यागु त्यागं चीनय ह्यूपा ह्यफःगु खाँ व्याकसे बन्दुकया गोलीं त्याकय मफुपुं क्रान्तिकारी व कम्युनिस्टतयूता चाकु पाडः तःगु बिषं स्यंकय फःगु खाँ नपां एन.जि.ओ व आइ एन.जि.ओ धाय्गु साम्राज्यवादीतयूगु स्यल्लागु आर्थिक ज्या भः जूगुलिं डलरया लोभ क्यडः न्हँपु पुस्ताया मन स्यकिगु अजगु

संस्थापाखं न्हँगु पुस्ताता सचेत याय मः धायो दिल ।

एमसीसी सम्झौता नेपःया लागिं देशघाती व लिपाथ्यंक बांमलागु लिचवः लाइगु सम्झौता खः धायोदिसे वयकलं विदेशी ग्वाहालीख्य अमिगु स्वार्थ दैगु खाँ काडः दिल ।

खप नगरपालिका वडा नं ९ या वडाध्यक्ष रबीन्द्र ज्याख्वं छुं नं खाँख्य देनं देनं लाला काय्गु व छगू बिचलं जक ब्वनय्गुलि न्हँगु पुस्ताता मखुगु लाँय वानय् फःगु खाँ नपां सैद्धान्तिक विषयवस्तु ब्वनयूता साफू ब्वनयता बःयाडः दिल ।

वयकलं माओ व स्टालिनया खायँ सञ्चार माध्यमं भ्रम ब्वलाकिगु काथं मखुगु खाँत च्वयोतःगुलि सचेत जुयमःगु खाँ व्याकसे वयकपिसं समाजवादी क्रान्तिया निंतिं याडः द्यूगु योगदानया खाँ काडः दिसे स्टालिन सोभियतया जनताता सास दःतलय देया रक्षाया लागिं ल्वायता ग्वाकः च्वम्हा मनू खः धायोदिसे वडाध्यक्ष ज्याख्वं फागुनय चुनाव जुइगुला मजुइगुला धाय्गु स्वयो नं देशता बंगलादेशया स्थिति मथ्यंकयता पानय मः धायो दिल ।

नेपाल कर्मचारी समाजया केन्द्रीय अध्यक्ष गौतम प्रसाद लासिवं समाजवादी देश तय्गु जनमुखी नीतिं याडः आनाया नागरिक पिसं सुख सियो च्वंगु खाँ व्याकसे स्टालिन व माओया बुदिं डायकागुया तातुना काडः दिसे वयकपिनिगु जीवनी ब्वंसा तस्कं उत्साह दैगु नं खाँ काडः दिल ।

समाजया न्वकु काजी बहादुर पञ्च, नेपाल कर्मचारी एशोसियसन खप नगरपालिकाया कचा समितिया दुजः गणेशलाल फाँजु, छ्याञ्जे शिवराम धुख व समाजया दां भारी दिव्य लक्ष्मी वज्राचार्य पिसं माओ व स्टालिनया बःचा हाकलं जीवनी व योगदानया खाँ काडः दिल ।

अन्तरराष्ट्रिय पावर लिफ्टिङ्ग ट्याकपिन्ता हानयज्या

पुस १७ गते

खप नगरपालिकाया प्रमुख सुनिल प्रजापति जुं एसियन पावर लिफ्टिङ्ग च्याम्पियनसीप व विश्व पावरलिफ्टिङ्ग च्याम्पियनसीप नेपः या प्रतिनिधित्व याडः स्वर्ण व रजत पदक त्याकपुं खपया कासामिपुं विकित जोशी, निमेश छूकां, समन मधिकर्मी, किरण सुवाल, दिपेश सैजु व ओजश चरण जोशी पिन्ता विहिबार खादा क्वखाय्क तकातपुली पुइक लसकुसयासे कासामिपिन्ता लसहांसे, भिन्तुना देछासे कासाया लागं खपदेया बिस्कं म्हासिइका ल्यंकः म्वाकः वगु खाँ काडः दिल ।

कासाया लागाय् खप नगरपालिकां याडः वगु ज्या इवः या खाँ कुलः दिसे वयकलं नगरपालिकां दायँ दायँ पतिकं चवजःपुं कासामिपिन्ता हानय् ज्या, ब्वनयकुथि व्यागु कासाया धिंधिं बल्लाता मदिक न्ह्याकः वयो चवंगु खाँ ब्याकसे कासामिपिसं राष्ट्रया नां तयगु काथं म्हितय् मःगु अलय् स्वस्थ समाज दयकेता कासामिपुं हज्याय् मः धायो दिल ।

खप नगरपालिका वडा नं. ४ या वडाध्यक्ष नपां खेलकुद



समितिया दुजः उपेन्द्र सुवालं कासामिपिनिगु तस्कं मेहनत व परिश्रम याडः जक तः लाइगु खाँ नपां उकी अभिभावक पिनिगु नं तहांगु लाहा दैगु खाँ काडः दिल । प्रमुख प्रजापतिजुं कासामिपिन्ता नगरपालिकाया पिथनात उपहारकाथं लः ल्हाडः दिल ।

न्हूपुं शाखा अधिकृतपुं खपया सांस्कृतिक सम्पदा स्व भाल

पुस २० गते



नेपाल प्रशासनिक प्रशिक्षण प्रतिष्ठानं नेपाल सरकारया निजामति सेवाय्सं द्रहँवपुं नवप्रवेशी शाखा अधिकृत पिनिगु खुलाया 'आधारभूत प्रशासन प्रशिक्षण' या सयकामि अधिकृतपिनिगु पुचः खप नगरपालिकाया पुरातात्विक नपां साँस्कृतिक सम्पदाय् भायो स्वयोदिल ।

उगु इलय नेपाल मजदुर किसान पार्टीया छ्याञ्जे प्रेम सुवालं प्रशिक्षार्थी अधिकृतपिन्ता लाँपु क्यडः दिसे खप नगरपालिकां

शिक्षाया लागता हृदाय तयो हज्यागुलिं हे ज्ञान विज्ञानया मू थाय काथं हज्याडः वगु खः धायोदिसे नगरपालिकापाखं चाय्क तःगु उगु कलेजय् देया ७७ गू जिल्लाया ब्वनामिपुं ब्वडः चवंगु २०५६ साय् निः स्वांगू खप मा.वि. अः खप विश्वविद्यालय चाय्केगु अवस्थाय् तकः थयंगु खाँ ब्याकः दिल ।

वयकलं नेपाल मजदुर किसान पार्टीया जनप्रतिनिधिपुं खप नगरपालिकाय् त्याकः वयधुकः 'छ्खा छँ छम्हा स्नातक'

सच्छि व न्हयस्वंगूगु खप पौ, बःछि पौ (पाक्षिक)

दय्केगु तातुना पूर्वांकयता शैक्षिक संस्थात चाय्क वगु गुकिं खपया जनतातयता जक मखु देशां देछिया ब्वनामिपिन्ता उच्च शिक्षा ब्वनयता विदेशय् वानय् म्वःगुलिं सकलसिया सेवा जुयो च्वंगु खाँ ब्याकसे शैक्षिक संस्था व खप अस्पताल खप नगरपालिकां चाय्कसेलिं सकल जनताया सेवा जुयो च्वंगु खाँ ब्याकः दिल ।

रुसय् समाजवादी ब्यवस्था निःस्वानय् धुकः नीदालिपा विश्वया नेगूगु तहांगु अर्थतन्त्र काथं हछ्याय् फःगु खाँ ब्याकसे वयकलं नेपालय् ०४६ सालया जन आन्दोलनं बहुदलीय ब्यवस्था हःगु ३५ दा दयानं तहांगु पार्टीं धःपिसं देश विकास स्वयो थ्यं मथ्यं २८ खर्ब ऋणया भारी कुबिडकगु खाँ काडः दिल । विदेशी ऋण व विदेशी ग्वाहालीं देशय् उपनिवेश याय फःगु पाखय् सचेत यासे खप नगरपालिकां पुर्खा दयक तकगु सम्पति भीगु कला व संस्कृतिया नाराता पूर्वांकयता विदेशी तय्के ध्याछ धेबा हे मकःसें थःगु तुतिखय् दाडः जनताया साथ व ग्वाहालीं थानाया सम्पदात भीगु हे मौलिक पहलं दानय् फःगु खाँ ब्याक दिल । नपां सांस्कृति सम्पदा ल्हवनय-कानय्गु ज्याखय् ठेक्कापत्तां मयासें थानाया स्थानीय बासिन्दापुं तयो उपभोक्ता समितिपाखं ज्या याडः जनसहभागिता व जनश्रमदान दयो थःगु भः पियो बांलाकः ज्या याइगु खाँ नं काडः दिल ।

पुलांगु पुर्खा दयकःतकगु भीगु सम्पदात ल्हवनय-कानय् व दानय्गु ज्या याडः भीगु मौलिक कला व संस्कृतिपाखं भीगु थःगु म्हासिइका पिब्वयो पर्यटन विकास याय फैगु गुकिं न्हूगु पुस्ताता सेवा

विय फैगु खाँ ब्याकसे वयकलं सकलें न्हूपुं नवप्रवेशी अधिकृत पिसं नं वैगु दिनय् देश व जनताया निःस्वार्थ सेवा याय् फयमः धायो भिन्तुना देछायो दिल ।

खप नगरपालिकाया उप प्रमुख रजनी जोशी २०७२ सालया तः भवखाचां स्यंकः थुडः ब्यूगु सम्पदात थ्यं मथ्यं फुक्क सम्पदात दानय् धुंगु गुकिया ल्याचा न्ह्यकनय स्वयथें पारदर्शी काथं तयो, ब्वयो वयागु खाँ नपां न्हूपुं अधिकृतपुचः ता नगरपालिकाया पिथनात उपहार काथं लः ल्हाडः दिल ।

खप अस्पतालया निमित्त मेडिकल डाइरेक्टर डा. मजेश प्रताप मल्लं खप नगरपालिकापाखं चाय्कः तःगु खप अस्पतालं जनताता म्हवचा धेबां विशेषज्ञ सेवा बियो वयागु, निःशुल्क अक्सिजन नपां खप अस्पतालं बियो वयो च्वंगु सेवात काडः दिल ।

उकिया सहजीकरण भक्तपुर पर्यटन सेवाकेन्द्रया गौतमप्रसाद लासिवं याडः दिसे खप नगरपालिकां कायो वगु पर्यटन सेवा शुल्कं थानाया कला संस्कृति, सम्पदा ल्यंकः म्वाकः, भिंकः तय्गु ज्याखय् छ्यल वगु नपां शिक्षा, स्वास्थ्य व सुचुकुचुखय छ्यलः वगु खाँ काडः दिलसा थानाया सम्पदाया ब्याक्क खाँ नं काडः दिल ।

वहे इवलय् पर्यटन सूचना तथा सेवा केन्द्रया अधिकृत शरद् खत्री व मुरज दिदियां नं सम्पदा अवलोकनय् लाँपु जुयो खपया कला संस्कृतिया खाँ काडः दिल । चाह्यू वगु पुचलय् प्रतिष्ठानया अधिकृत, नेपाल प्रहरीया सेनामि नपां १२० म्हा दःगु खः ।

सामाजिक सुरक्षा भत्ता इत

पुस २१ गते

जेष्ठ नागरिक, एकल महिला लगायत पिन्ता खप नगरपालिकाया हिगूंतुं वडाय सामाजिक सुरक्षा भत्ता इडः बिल ।



सैनिक आवासीय महाविद्यालयया ४८ कज्गु दाँ मुंज्या ज्या भवः सं खप नगरपालिकाया उप प्रमुख रजनी जोशी ।



तुमचो, दुगुरे, चोखा आवास क्षेत्रय् अन्तरक्रिया

पुस २२ गते



खप नगरपालिका वडा नं ९ या गवसालय तुमचो दुगुरे आवासय् सुरक्षाया अवस्थाया खायँ मंगलवार स्थानीय जनता नपां छलफल यागय् इवल्य खप नगरपालिकाया प्रमुख सुनिल प्रजापति जुं स्थानीय जनताया साथ व गवाहालीं खप देता व्यवस्थित, सभ्य व अपराधमुक्त नगर दयकेगु कुतः याडः चवडा धायो दिल ।

नगरपालिकां तुमचो, दुगुरे आवास क्षेत्रय् व्यवस्थित आवास योजना न्ह्याक शिक्षा, स्वास्थ्य, उपचार सुविधा व अदालत, मालपोत, नापी कार्यालय पाखं सरकारी सेवा वियता अःपुक सेवा वियो वगु खाँ व्याकसे वयकलं थुगु लागाय स्थायी व अस्थायी काथं चवडः चवंपुं सकलासिता सुरक्षित बन्दोबस्त याय्ता सकलसिया लाहा दयमः धायोदिल । पासा भाइया सडगतं याडः लागुपदार्थ दुर्व्यसनी व आपराधिक ज्याखय न्हँगु पुस्तात खानय दयो वगु धःगु न्यनय दःगुलि अभिभावकपिसं थःसन्तान नपां बांलागू व्यवहार याय्ता अलय अमिगु भावना थुइकः व्यवहार याय्ता इनाप याडः दिल ।

देशं दुनय व देशं पिनयया पर्यटकपुं चाह्यू वयता न्हःपां न्यनिगु हे शान्ति सुरक्षा खः धायोदिसे वयकलं भदौ २३ व २४ गते भीगु देशय जुगु आन्दोलन व मितयो ब्यूगुलिं नेपालय चाह्यू वयं धः

पिसं मवयगु क्वः छिगु खाँ काडः दिल ।

वयकलं अपराधी ज्याखय जूपिन्ता इलय हे अजगु ज्याखय जुय मज्यू धायो अमिता छुं छुं उपाय याडः बांमलागु ज्या त्वः तकय मःगु, मखुसा छन्हू न्हपा छन्हू लिपा अपुं कानुनया फन्दाय मलाई हे मखु धायो दिल ।

वडाध्यक्ष रवीन्द्र ज्याखवं ब्वनयकुथि कलेज व अस्पतालया चाकलीं चुरोट ऐला थजगु लागुपदार्थ व मादक पदार्थ न्याय मिय व त्वनयमज्यूगु नियम दःगु खाँ व्याकसे मर्यादित अलय कानुनी रूपं ज्यू धःगु जक व्यवसाय याय्ता इनाप याडः दिल । न्हँगु पुस्ता कुलत व अपराधी ज्याखय जूसा समाज असुरक्षित जुइगु अलय उकीं फुक्क सिता बांमलागु लिचवः लाइगु खाँ नं काडः दिल ।

स्थानीय जनता, ल्यासे ल्याम्होपुं, ब्वनामिपुं व शिक्षक व सुरक्षा निकायनपां नं समाजता सुरक्षित याडः तयगुलि छलफल जुयो च्वंगु खाँ व्याकसे वडाध्यक्ष ज्याखवं डेराय च्वनिपुं मन्तयगु ल्या वडा कार्यालय बियमःगु अलय व्यवसाय दर्ता याड जक न्ह्याकय् मः धायोदिल ।

जिल्ला प्रहरी कार्यालय भक्तपुरया सरस्वती दाहालं लागुपदार्थ दुर्व्यसनी व मेमेगु अपराधया अवस्थाया खाँ काडः दिसे दुर्व्यसनी त्वःतकय्ता अभिभावकपुं सचेत जुयमःगु व अजगु खाँ तपुयो तय मज्यूगु खाँ नपां अपराध व दुर्व्यसनी सम्बन्धी कानुनी प्रावधानया खाँ नं काडः दिल ।

कार्यपालिकाया दुजः छोरी मैयां सुजाखु (प्रजापति) न्हँगु बस्ती च्वनिपिनिगु दश्वी थवं थःया भावना ब्वलांकः गवाहालीया भावना दयकः सामाजिक सद्भाव दयके मःगु खाँ व्याकसे आवास क्षेत्रय स्वय हे थाकुगु अवाञ्छित ज्यात मजुइकेता व सडक दुर्घटना म्हुवँ याय्ता नगरपालिकां यागु कुतः या ज्यात नं काडः दिल ।

खप नगरपालिकाया १९ कगूनगरसभा उल्लेल्या

पुस २४ गते

नेपाल मजदुर किसान पार्टीया छ्याञ्जे प्रेम सुवालं खप नगरपालिकाया १९ कगु नगरसभा पानसय् मता च्याक उलेज्या याडः दिसे खप देता यचु पिचुगु, स्वयंहायपुगु व स्वच्छ नगरकाथं हछ्यायता नागरिकपिन्के नागरिक भावनाया विकास यायमः धायोदिल ।

खप देता स्वच्छ नगर दयकेता नगरया सडक, गल्ली व चुकःता फुक्क थासय सुचुकुचु याडः तय मः धायो दिसे वयकलं भक्तपुर औद्योगिक क्षेत्रया प्रदुषण याइगु उद्योगत कार्थिछिया ल्हययो



सच्छि व न्हयस्वंगूगु खप पौ, बःछि पौ (पाक्षिक)

यंक्य बियता कुतःयाय मःगु, खपया सांस्कृतिक सम्पदा ल्यंकः, म्वाकः, भिंकः तयगु नपां नपां पर्यटन उद्योग विकास याय्ता बःयाय् मःगु नपां खपया विकास निर्माण ठेक्काखय मयाकसिं उपभोक्ता मोडेलं हे याक्य मः धायो दिल ।

जनताया समस्या सम्बोधन याडः देको मिबा आवास योजनाता मथां हे क्वचाय्केता नगरपालिकाता मार्ग निर्देश यासे वयकलं ब्वनयकुथि व विश्वविद्यालयता उत्पादन व श्रमनपां स्वाङ्गु शिक्षा मःगु खाँ काडः दिल ।

अमेरिकां भेनेजुलाय् यागु आक्रमण कुंखिय मःगु खाँ ब्याकसे वयकलं व साम्राज्यवादी ज्याखं संयुक्त राष्ट्र संघया वडापत्र व अन्तर राष्ट्रिय कानुननं हाचां गायो वांगु खः धायो दिल ।

न्हँगु पुस्ताता न्हँगु बिचः, सूचना व प्रविधिनपां स्वाडः यंक्य मःगु खाँ कुल दिसे छयाञ्जे सुवालं ब्वनयकुथि पाठ्यक्रमकाथं विद्यालय शिक्षकया बन्दोबस्तयाय मःगु, इलय ब्यलय खाद्य अनुगमन याय मःगु, सांस्कृतिक नगर दयकेताकुतः याय मःगु, लायँ वाउँक तय मःगु, ल्यासे ल्याम्होपिन्ता कुलतं तापाक्क तय मःगु अलय न्हँगु पुस्ताता कासा, सङ्गीत, बाजागाजाथाय्गु, प्याखं ल्हयगु, क्पिपा च्वयजु थजगु अतिरिक्त क्रियाकलापय नं ब्वति काय्के मःधायोदिल ।

नगरसभा उलेज्या ज्याभ्वःया सभाया नायो नपां खप नगरपालिकाया प्रमुख सुनिल प्रजापति जुं आ.व.२०८२/८३ या पारित बजेट या लिधंसाय साउन निसेंपुस २० गते जूगु ज्याया बचा हाकलं पिब्वयो दिल ।

वयकलं ऐतिहासिक अलय सांस्कृतिक महत्व कःघाडःच्वंगु खप नगरपालिकाया न्हयलुवा जुयो ज्या सानय दःगुलिं गौरवया अनुभूति जूगु खाँ ब्याकसे खपया जनताया क्वातुगु साथ व ग्वाहालीं खप देया थुली विकास हज्याक्य फःगु खः धायो दिसे स्थानीय तह अधिकारं जायकः स्वायत्त जूसा जक जनताया समस्यात मथां ज्यंक्य फै धाय्गु मान्यता काथं खप नगरपालिकां पूर्ण स्वायत्तताया अभ्यास याडः च्वंगु खाँ ब्याकसे स्थानीय तहता अधिकारं जाय्केता इलय-ब्यलय सरकारया ध्यान साल च्वडागु खाँ काडः दिल ।

खपदेता पारदर्शी, भ्रष्टाचार मजुगु थाय्, सम्पदा ल्यंकः, म्वाकः व भिंक तःगु थाय् अलय पर्यटकपुं छकमवसें मगागु गन्तव्य स्थल काथं हज्यायता जुयो च्वडागु खाँ ब्याकसे वयकलं जनप्रतिनिधि, स्थानीय जनता व राजनैतिक कार्यकर्तापिनिगु छगू हे बिचलं हज्यागुलिता अज बल्लाक यंक्य मःगु खाँ नं काडः दिल ।

बागमती प्रदेश सभाया दुजः सुरेन्द्रराज गोसाईं जुं खपया ऐतिहासिक सांस्कृतिक सम्बृद्धि व आधुनिक विकास खपया विकास 'छगू देया बासं' थें जूगु खाँ ब्याकसे पुलां पुलांगु सम्पदा व न्हँ न्हँगु विकासया कुतलं थौ या खप दे दःगु खाँ नपां भौतिक

पूर्वाधारयासंरचनात दयकेगु जक विकास मखु विकासया परिभाषाता हे लिफ्यडः स्वयमालिगु थौ या आवश्यकता खः धायो दिल ।

सांसद गोसाईं जुं भदौ २३ व २४ गते जूगु जेन-जि आन्दोलनं दे हज्याय्ता खःला वा स्यंकयता खः थुखय पाखय नं छक बिचः याय मःगु खाँ नपां खप नगरपालिकाया मदिक पित्ताडः च्वंगु भक्तपुर 'लय पौ' व खप पौ बःछिपौ खपया विकासया छगु चिंखः धायो दिल ।

नगरपालिकां चायकःतःगु जनज्योति पुस्तकालय ता अभ् स्यल्लागु साफूकुथिकाथं हज्याय मःगु खाँ ब्याकसे वयकलं नगरपालिकां प्रा.वि. तगिंया ब्वनयकुथिता नं बांलाकय्गुलि बिचः याय मःगु व गणित व विज्ञान प्रयोगशाला दयकेगुलि नं बिचः याय्मःधायो दिल ।

खप नगरपालिकाया उप प्रमुख रजनी जोशीं खप देता नमुना नगरकाथं हज्याय्ता ग्वाहाली यापुं सकलसिता सुभाय देछासे जनताया निःस्वार्थ सेवा याय्गु तातुडः खप नगरपालिकाया जनप्रतिनिधिपुं हज्याडः च्वंगु खाँ नं ब्याक दिल ।

भक्तपुर जिल्लाया प्रमुख जिल्ला अधिकारी उमेश कुमार ठकालं खप नगरपालिकां प्रगति उन्मुख ज्या याडः वगु खाँ नपां देया चिच्याक्वगु नगरपालिका जूसां देशता हे लाँपु क्यनय्गु काथं नमुना नगरया दसी जुयो हज्याडः च्वंगु खाँ काडः दिल ।

ज्या भ्वःसं खप अस्पतालया निमित्त मेडिकल डाइरेक्टर डा.मजेश प्रताप मल्लअस्पतालं बियो च्वंगुसेवा व प्रगतिया खाँ काडः दिलसा खपकलेज अफ ल या प्राचार्य अनिता जधारीं कलेजया प्रगति व वियो च्वंगु सुविधाया खाँ काडः दिल ।

उगु ज्या भ्वःसं खप नगरपालिकाया प्रमुख प्रशासकीय अधिकृत वसन्त भट्टराई जुं सुभाय देछायो द्यगु खःसा खप नगरपालिका वडा नं. ९ या वडाध्यक्ष रबीन्द्र ज्याखं नं न्वचु तयो द्यगु खः ।

हिंङ्गुकगु नगर सभा न्ह्यात



सच्चिद व न्हयस्वंगूगु स्वप पौ, बःछि पौ (पाक्षिक)

ख्वप नगरपालिकाया प्रमुख नपां हिं गुकगू नगरसभाया नायो भाजु सुनिल प्रजापतिया नायोसुई हिंगुकगु नगर सभाया न्हांगु बैठक पुस २४ गते चवन ।

बैठक नगरसभाया उलेज्या तलाक क्वचःगुलि सुभाय प्रस्ताव छप्वा म्हूतुं पारित यात ।

बैठक न्ह्याकसे सभाध्यक्ष प्रजापति जुं थी थी देशं

न्ह्याकःचवंगु आइ.एन.जि.ओ व एन.जि.ओ. या धेबां राजनीतिक परिवर्तन हेगु पाखं सचेत जुय मः धायो दिसे भेनेजुयलाता अमेरिकां यागु आक्रमण थें नेपालय नं सुं नं विदेशी शक्तिं आक्रमण याय फःगुलिं भी सचेत जुयमः धायो दिल ।

वयकलं नगरसभाया मेगु बैठक पुस २५ गते सुथाय सिया ९:०० ता इलय् चवनय्गु खाँ नं ब्याक दिल ।

राष्ट्रपति मादुरो नेम्हा तिपुता भुठ्ठा मुद्दा लिता काय्केगु नगर सभां प्रस्ताव पारित

पुस २५ गते

ख्वप नगरपालिकाया प्रमुख नपां १९ कगु नगरसभाया सभाध्यक्ष सुनिल प्रजापतिया नायोसुई शुक्रवार चवंगु नगरसभा बैठक सं राष्ट्रपति मादुरो नेम्हा त्यपुता भुठ्ठा मुद्दा लाकगु लिताकाय्ता अलय वयकपिन्ता सकुशल त्वःत अन्तरराष्ट्रिय कानुन पालना याय्ता प्रस्ताव पारित यात ।



कुडः तःपुं राष्ट्रपति मादुरो दम्पतिता यागु भुठ्ठा मुद्दा लिता काय्ता अलय वयकपिन्ता सकुशल त्वःत अन्तरराष्ट्रिय कानुनया पालना याय्ता नपां नगरसभां विशेष बः याडः माग यागु दः ।

सभाया विशेष समयलय् सभासद मञ्जु मैयाँ लाखां राष्ट्र दुनय विदेशी चलखेल अप्वयो वगु बांलागु लक्षण मखु धायोदिसे ट्रम्प प्रशासनं सार्वभौम व स्वतन्त्र देश भेनेजुयलाता यागु सैन्य आक्रमण व राष्ट्रपति मादुरोता अपहरण यागु विरोधय हलिमय्या न्यायप्रेमी जनतां विरोध व संघर्ष याडः चवंगु पायछी धायो दिल ।

सभासद कृष्ण नारायण दुमरुं हिन्द प्रशान्त क्षेत्र लाकः काय्ता अमेरिकां नेपः देता 'स्पीड बोर्ड' याय तांगु खाँ ब्याकसे सार्वभौम व स्वतन्त्रदेश भेनेजुयलाया पाजुडः शान्तिया कामनायासे अपहरणय् लापुं राष्ट्रपति निकोलस मादुरो व वयकया जाहानता तुरुन्त त्वः ति धाय्गु माग तयो दिल ।

सभासद हिरा ख्याजुं ख्वपया बजार लागा व्यवस्थित, यच्चु पिचुक ग्राहक मैत्री याय मःगु खाँ ब्याकसे कृषि उत्पादन आवयकता जैविक विषादी उत्पादनया लागिं कृषकपिन्ता तालिम वियमः धायोदिल ।

सभासद कृष्ण गोपाल चौगुथिं देगमना निसें ३० मि. क्वय बाराही वानय्गु लाँया पूर्वपाखय् चवंगु पुलांगु ल्वहँहिता पुलांगु पहल हे दयके मःगु खाँ ब्याकसे ताहाफल्चा (दुबेकेगु फल्चा) भ्वाथः जूय धुंकगुलीं थ्व नं दयकेता धायो दिल ।

सभासद कृष्णलाल किसीं लिवाली आवास क्षेत्रय चवंगु खुल्ला चउरत व्यवस्थित यायमःगु, न्हूंगु पुस्ताता बुँज्या यायगु स्यनय्ता छगू ब्वनय्कुथि छगू करेसाबारीया अवधारणा हयमःगु व ख्वप अस्पतालया फुक्क सेवासं कुपन प्रणाली छ्यलय् मःगु बिचः प्वंकः दिल ।

सभासद सूर्यप्रसाद श्रेष्ठं नगरपालिकां खिचात नियन्त्रण याय मःगु नपां थासय लाकय् मःगु, नगरय् द्रहँ वैगु मू मू थासयया लाँ व ताँया नेखय् सिथय फोहर थासय लाकः फोहर मवाकय् मःगु

प्रस्तावय धायो तः काथं - वांगु, जनवरी ३, २०२६ या चान्हयँ अमेरिकी राष्ट्रपति रोनाल्ड ट्रम्पया निर्देशनय तप्यंक यागु विशेष सैनिक दस्ता डेल्टा फोर्स थ्यं मथ्यं १५० म्हाति लडाकु हेलिकप्टर व मेमेगु युद्धक विमानत छ्यलः स्वतन्त्र व सार्वभौम देश भेनेजुयलाय् आक्रमण याडः राष्ट्रपति निकोलस मादुरो व वयकया जहान सिलिया फ्लोरेसता अपहरण याडः थःगु देशया अदालती कारवाही हछ्यागु अन्तरराष्ट्रिय कानून व संयुक्त राष्ट्रसंघया वडापत्र उल्लंघन जूगु क्वःछिसे हलिमय्या न्यायप्रेमी जनतां अमेरिकी साम्राज्यवादया विरोधयाडः चवंगु दः ।

थःगु जलाखाला देशय प्रभूत्व जमययाडः चिच्याहांगु देशया स्रोत साधन लुतययाय्ता सत्ता हिलयगु घच्यापुगु ज्या याड्गु मुनरो नीतिता हकनं छ्यलिंगु विभेदकारी ट्रम्प सरकारयाता कुंखिसे

सच्छि व न्हयस्वंगूगु स्वप पौ, बःछि पौ (पाक्षिक)



फोहर वाइपिन्ता दण्ड जरिवाना याय् मःगु बिचः प्वंकः दिल ।

सभासद हरिरत्न गोर्खली अमेरिका भेनेजुयलाता यागु आक्रमण न्हापंगु मखु धायोदिसे साम्राज्यवादी दे अमेरिका हलिमय्या थी थी ६८ देशय कगु स्वयो अपः आक्रमण याय धुंगु तथ्य पिब्वयो दिल ।

सभासद इन्द्रबहादुर प्यार्थ भेनेजुयलाय् अमेरिका यागु सैन्य आक्रमण तस्कं कुखियमःगु खाँ नपां न्यायप्रेमी जनतां विरोध यायमःगु

खाँ न काडः दिल ।

सभासद गोबिन्द दुवालं जनप्रतिनिधिपिसं जनताता चित्त दुखय जुइगु छुं न ज्या याय मज्यूगु खाँ व्याकसे जनताया पक्ष नुवायता सुं नपां ग्यायम्बः धायो दिल ।

सभासं ख्वप नगरपालिकाया वडा नं. १ या वडाध्यक्ष श्यामकृष्ण खत्री, २ या वडाध्यक्ष हरिप्रसाद बासुकला, ३ या वडाध्यक्ष राजकृष्ण गोरा, ४ या वडाध्यक्ष उपेन्द्र सुवाल, ५ या वडाध्यक्ष योगेन्द्रमान बिजुक्छे, ७ या वडाध्यक्ष उकेश कवां, ८ या वडाध्यक्ष कृष्ण प्रसाद कोजु, ९ या वडाध्यक्ष रवीन्द्र ज्याख्व, १० या वडाध्यक्ष लक्ष्मी प्रसाद ह्योमिखां थः थः गु वडाया अर्धवार्षिक (खुल्ला) या प्रतिवेदन पिब्वयो दिल ।

नगर सभाया मेगु बैठक पुस २८ गते सोमबार न्हिनय सिया १:०० ता इलय् च्वनिगु खाँ न बवः जित ।

सांस्कृतिक गुरुपिन्ता हानय् ज्या

पुस २६ गते

विश्वकर्मा भैल प्याखं खलः तौलाछें ९ ख्वपया ग्वसालय च्वय त्वः या प्रजापति समुदायया खुगू गुठी तःगुठी, चिगुठी न्हें गुठी, मारी गुठी, छ्यला चिला गुठी व खोहें गुठीया नायोपिन्ता सुडालया ठुली ब्रम्हायणीसं हानय ज्या यागु जुल ।

ज्या भूवःसं ख्वप नगरपालिका या सुनिल प्रजापति जुं प्रजापति समुदायया खुगू गुठीया नायोपिन्ता दोसल्ला डयकः हानय ज्या याडः दिसे सांस्कृतिक गुरुपिन्ता हानय ज्या याइबलय वयक पिन्के उत्साह व हौसला दैगु खाँ काडः दिल ।

परम्परा निसें न्ह्याडः वगु कला संस्कृति व सम्पदाता थानाया जनतां निःस्वार्थी जुयो ल्यंकः, म्वाकः व भिंक वगु खाँ व्याकसे वयकलं ख्वप देता 'नाचगानया राजधानी' व सांस्कृतिक केन्द्र दयकेता थानाया संस्कृतिकःमि व सांस्कृतिक गुरुपिनिगु तःहांगु लाहा दः धायो दिसे ख्वपया त्वः त्वालय थी थी बाजात स्यनय्गु याडः हःगु खाँ कुलः दिसे वयकलं सांस्कृतिक गुरुपिन्ता यागु हानेज्या ज्या भूवःसं नगरपालिकां दायें दायें पतिकं थी थी सांस्कृतिक बाजाया धि धिं बल्ला याडः तः लापिन्ता सिरपा छायो न्हेंगु पुस्ताता मन ववसायक वयागु खाँ काडः दिल ।

ख्वप नगरपालिकां थाकाली पुं जेष्ठ नागरिकपिन्ता स्वयो आदर निकेतन चायकेगु कुतःजुयो च्वंगु खाँ व्याकसे वयकलं भीगु थःगु मौलिक बाजा गाजाता व्यवसायिकरण याय्ता नगरपालिकां विशेष ध्यान तयो वगु खाँ न व्याकः दिल ।

वडा नं ९ या वडाध्यक्ष रवीन्द्र ज्याख्वं ख्वपया कला, संस्कृति ल्यंकः, म्वाकः, भिंकः तयो न्हेंगु पुस्ताता लः? ल्हाय्गु अभियानय् नगरपालिका नपां नपां हज्याडः च्वंगु खाँ नपां अमूर्त सम्पदा ल्यंकः, म्वाकःतय फःसा भीगु म्हासिका म्वाकःतयफै धायो दिल ।



वयकलं विश्वकर्मा भैल प्याखं खलं मदिक न्हेंगु पुस्ताता भैल प्याखं स्यडःथुकिता म्वाकःतःगु च्वछायबहगु खाँ खः धायो दिसे जनताया सेवा भावं ख्वपया कला संस्कृति हकनं म्वाडः वगु खः धायोदिल ।

विश्वकर्मा भैल प्याखं खलःया नायो विष्णु प्रसाद प्रजापतिं खलः निः स्वागु व उकिया इतिहास काडः दिसे ख्वपया कला संस्कृति ल्यंकःतय्गु भूवल्य विश्वकर्मा भैल प्याखं खलं न्हेंगु पुस्ताता प्याखं स्यडः वगु खः धायो दिल ।

तलातुछी युवा समुहया दांभारी निरञ्जन प्रजापतिं न्हयलुवा पिनिगु तःहांगु योगदानंभैल प्याखं न्हेंगु पुस्ताता लःल्हा ल्हां वगु खाँ व्याकसे भैल प्याखंता ई नपां व्यवसायीकरण यायां यंक मःधायो दिल ।

ज्या भूवःसं विश्वकर्मा भैल प्याखं खलःया दुजः विजय राम प्रजापति, सुमन प्रजापति व किरण प्रजापतिं भैल प्याखं खलः निःस्वांगु इलयया इतिहास व थी थी ज्या भूवःया खायें न्वचु तयो द्यगु खःसा भैल प्याखंया गुरु टेकबहादुर प्रजापतिता नं हानय ज्या यागु खः ।

न्हयलुवापिनिगु अनुभव चवयो तयमः

पुस २६ गते



नेपाल मजदुर किसान पार्टीया नाथो भाजु नारायणमान बिजुक्छे (रोहित) जु या मू पाहाँलय भिन्तुना वचत व ऋण सहकारी संस्था लि. या ७० दा व ७० दा स्वयो थाकालिपुं जेष्ठ वचत कर्ता पिन्ता हानय् ज्या यासे जेष्ठ नागरिक दिवस पुस ११ या लसतायया लुमन्ति जूगु ज्या भूबः सं वयकलं जेष्ठ नागरिकपिनिगु जीवन अनुभवता न्हूगु पुस्ताता लःल्हाय मःगु अलय वयकपिनिगु अनुभवता चवयो तयमःधायो दिल ।

छँया दुजःपिसं न्हिया न्हिथं जिवंफःमफः, नसा त्वसाया खॉ न्यडः च्वनय मःगु खॉ काडः दिसे अध्यक्ष बिजुक्छे जुं न्हूगु पुस्ता व जेष्ठ नागरिकपिनि दश्वी न्हिया न्हि थं खॉ ल्हाडः च्वनय मः धायो दिल ।

थाकालिपुं नागरिकपिनिगु कसिमला पायँया धिधिबल्ला

पुस २६ गते

खप नगरपालिका वडा नं ९ वाकुपति चाँगु नारायण द्योया हःनय वाकुपति चाँगुनारायण मन्दिर परिसर सहयोग समिति व प्रगति सामुदायिक सिकाइ केन्द्रया मकःगवसालय खप नगरव्यागु स्वकगु जेष्ठ नागरिक कसिमला पायँया धिं धिं बल्ला जुल ।

ज्या भूवःसं खप नगरपालिकाया उपप्रमुख रजनी जोशी जु कासाया उल्लेज्या याडः दिसे खपया मूर्त, अमूर्त सम्पदात ल्यंकः, म्वाकःतयता नगरपालिका मदिक हज्याडः च्वंगु खॉ ब्याकसे थजगु राष्ट्रिय सम्पदाया महत्व न्हूगु पुस्ताता नं थुइक थुइकं यंकय् मः धायो दिल । वयकलं थाकालिपुं नागरिकपिनिगु जिम्मेवार परिवार व समाजता याय मःगु खॉ नं काडः दिल ।

वडाध्यक्ष रवीन्द्र ज्याख्वं मनु स्वस्थ जुयो च्वनयता शारीरिक व मानसिक कसरत याडःतुं च्वनय मःगु खॉ नपां भेनेजुयलाता अमेरिकां यागु हस्तक्षेप छुं काथं हे मिलेय मजगु, भीगु देशय् नं थजगु समस्या वयफःगुलिं सचेत जुयमः धायोदिल ।

२७ म्हा जेष्ठ नागरिक पिसं ब्वति कःगु उगु ज्या भूवः खय तःलापिन्ता सिरपा व दसिपौ इयगु ज्या नेपाल क्रान्तिकारी किसान

खप जिल्ला पिनय्या सांस्कृतिक धरोहर ल्हवनय-कानय व दानयता खपया सिँकःमि डकःमि व ल्वहँकःमि पिनिगु तःहांगु लाहा दःगु खॉ नं वयकलं कुल दिल ।

खप नगरपालिका वडा नं २ या वडाध्यक्ष हरिप्रसाद बासुकला सहकारी संस्था धेबाया कालबिल जक मयासे दुजःपिन्ता लाहातय ज्या दैगु तालिमत बियो थःगु तुतिखय दानय फयक बियमः धायो दिसे नेमकिपाया निर्वाचन घोषणा-पत्र काथं खप नगरपालिकाया जनप्रतिनिधिपिसं ज्या याडः वगु, नगरपालिकां खप अस्पताल, चायकःछँ नर्सिङ सेवा बियो जनताता सेवा बियो वयागु खॉ काडः दिल ।

नेमकिया २ नं वडाया इन्चार्ज रत्नकाजी नाथोभारी स्वस्थ जुय फःगु हे दकलय् तः हांगु सम्पति खः धायो दिसे जेष्ठ नागरिकपिसं थःगु स्वास्थयया खॉ परिवारता कानय मः धायो दिल ।

संस्थाया नाथो कृष्ण गोविन्द सुवालया सभा नाथोलय जूगु उगु ज्या भूवःसंस्थाया संस्थापक अध्यक्ष आशकुमार कोजू व चञ्चली सुवालं नं न्वचु तयो द्यूगु खः।

ज्या भूवःसं मू पाहाँ बिजुक्छे जुं १३९ जेष्ठ नागरिकपिन्ता दोसल्ला डन्यकः हानयज्या यागु जुल ।

ज्या भूवः सं संस्थाया छ्याञ्जे कृष्ण प्रसाद सुवालं ज्या भूवः यायमःगु या खॉ काडः द्यूगु खःसा जेष्ठ नागरिकपिनिगु सुगर व प्रेशर नं जाँचय यागु खः ।



संघ जिल्ला समितिया नाथो भाजु गोविन्द दुवालं याडः द्यूगु खः ।

पाहाँ दुवालजुं खपयनं न्ह्याकगु किसान आन्दोलनं याडः फुक्क किसान तयसं म्हवें हक काय दःगु खॉ नपां मचःमगा व मभिंया विरुद्ध भीसं न्ह्याबलें संघर्ष यायमः धायो दिल । ज्या भूवःसं जीतबहादुर खयरगोली न्हाप, केदार मान ज्याख्व ल्यू पूर्णभक्त शिल्पकार ल्यू या ल्यू व विकुनारायण चोकाबजी हपा सिरपा त्याकगु खः ।

गवसाखलया नाथो कृष्ण गोपाल प्रजापतिया सभानायोलय जूगु उगु ज्या भूवःसं वडाया दुजः ज्ञानबहादुर मानन्धर व सिकाइ केन्द्रया रवीन्द्र कुसीं ज्या भूवःयाय मःगु या तातुना काडः दिल ।

थी थी थासय् स्वास्थ्य शिविर



खप नगरपालिका १ वडा कार्यालयया गवसालय मचाछें या क्यान्सर व दुरुप्वया जाँच सम्बन्धी शिविरया उलेज्या खप नगरपालिकाया उप प्रमुख रजनी जोशीं सकल नगरवासीपिन्ता थःगु जिउ स्वस्थ याड तय्ता सचेतयासे भावी पुस्ताता अनुशासित जीवन म्वायगुली ध्वासा वियमः धायोदिल । शिक्षा, स्वास्थ्य थजगु आधारभूत आवश्यकता सरकारं निःशुल्क याय मःगु खाँ कुल दिसे वयकलं खप नगरपालिकां नगरवासी पिनिगु स्वास्थ्यता, विचः याडः इलय व्यलय स्वास्थ्य शिविर व छें छें नर्सिङ सेवा थजगु थी थी जनचेतना ग्वाकय्गु ज्या न्ह्याक वयो च्वंगु खाँ ब्याक दिल ।

खप नगरपालिका वडा नं. १ या वडाध्यक्ष श्यामकृष्ण खत्री नगरपालिकां जनताया निंतिं याडः वगु थी थी ज्या इवः सं भायो फाइदा कायो दियता इनाप यासे वडाया जुयो च्वंगु थी थी विकासया ज्यात काडः दिल ।

स्थानीय समाजसेवी कृष्ण बहादुर दुगुजुं नेपाल मजदुर किसान पार्टीया चुनावी घोषणापत्र काथं थानाया जनप्रतिनिधिपिसं निःस्वार्थ जुयो ज्या साडः वगुलिं शिक्षा, स्वास्थ्य व संस्कृति नपां थी थी लागाय् खप नगरपालिका अब्बल जूगु खाँ काडः दिल ।

खप अस्पतालया स्वास्थ्य नर्स रचना सुवालं मिसात, तताकेहें पिसं मचाछें जुइगु क्यान्सर इलय हे सिङ्के फःसा थुकिता वास याडः म्हवचा क्षति याय् फैगु खाँ काडः दिल ।

ज्या इवः सं १ वडाया जनप्रतिनिधिपुं कल्पना शिल्पकार, गङ्गालक्ष्मी बमनु व सूर्यप्रसाद श्रेष्ठ नं न्वचु तयो द्यूगु खः । मू पाहाँ जोशीं स्वास्थ्यया हलं ज्वलंत लः ल्हाडः जूगु शिविरय् १५१ म्हा मिसात तताकेहें पिसं स्वास्थ्य परीक्षण याकगु खः ।

अथेहे पुस १५ गते खप नगरपालिका वडा नं. ६ या गवसालय खप अस्पतालया प्राविधिक ग्वाहालीखय् खप नगरपालिकाया उपप्रमुख रजनी जोशीया मूपाहाँलय् चोछें त्वालय हाडजोनीं व नसा ल्वयया स्वास्थ्य शिविर ज्या इवः जुथाय् मू पाहाँ

जोशी जुं नेपाल मजदुर किसान पार्टीया चुनावी घोषणापत्र काथं खप नगरपालिकाया जनप्रतिनिधिपिसं नगरवासीपिनिगु साथ, ग्वाहाली व सल्लाहकाथं ज्या याडः वगु खाँ ब्याकसे थीथी ल्वय जूपुं पीडितपिता नेपः या सरकारं बिइगु छगू लाख तका व प्रदेश सरकारं बिइगु ५० हजारया उपचार सुविधाया सिफारिस बियो वयागु खाँ अलय खप नगरपालिकां हिंदादतका आर्थिक ग्वाहाली याडः च्वंगु खाँ काडः दिल ।

वयकलं खप नगरपालिका च्वजायक आखः ब्वनययालागिं धेबामता धायो च्वनय् म्वायकेया लागिं डगू लाख तका शैक्षिक ऋण बियो वयागु खाँ ब्याकसे ल्यासे ल्याम्होपुं विदेशय वाडः च्वंगुलिं सरकारं चिन्ता कायमःगु खाँ नपां वयकलं खप नगरपालिकां म्हवचा धेबां शिशु स्याहार केन्द्र नपां थी थी न्हयगु कलेजत चाय्क, लाहातय, ज्या दैगु तालिमत ब्यू व्यू वगु खाँ ब्याकः दिल ।

वयकलं नगरवासीपिनिगु स्वास्थ्यता बिचःयाडः, खप अस्पताल चाय्क वडाया हे हाडजोनीं व नसारोग, मचाछें, दुरुप्वया क्यान्सर ल्वय थजगु थी थी स्वास्थ्य शिविरत तयो नगरवासी पिन्ता स्वस्थ याडः तयगु ज्याखय् हज्याडः च्वंगु खाँ काडः दिल ।

स्वास्थ्य शिविर ज्या इवःया सभाया नायो नपां वडा नं ६ या वडाध्यक्ष हरिराम सुवालं वडाया त्वनयगु नाःया समस्या ज्यंकय्ता स्वापु दःगु खानेपानी संस्थान नपां स्वापु तयो, मंकः कुतलं ज्या याडः वयागु खाँ ब्याकसे पुरातात्विक चोछें छुम गणेद्योया द्यो छें स्थानीय उपभोक्ता समितिपाखं भीगु थःगु हे मौलिक शैलीं दानय् धुंगु खाँ काडः दिल ।

वयकलं थाकालिपुं जेष्ठ नागरिक पिन्ता स्वयता खप आदर निकेतन चाय्केता मः काथं ज्या याडः च्वडागु खाँ काडः दिल ।

समाजसेवी गोपी कृष्ण चांगुभारी न्हपा न्हपा किसानत बुँई जोतय् जुयमःगुलि सुचुकुचुखय् उलि ध्यान तय मफूगु खाँ नपां जनचेननामूलक ज्या याडः सुचुकुचु स्वास्थ्य लागाय् हयूपा वगु खाँ काडः दिल ।

हाडजोनीं व नसा ल्वयया विशेषज्ञ डा. श्री कृष्ण कासिछ्वां मनु तय् २२ दा लिपा क्वयें ज्यलिगु सुर जुइगु खाँ ब्याकसे नयगु त्वनयगु, च्वनयगु थी थी पहः मिलय मजसैलिं हाडजोनींया समस्या वैगु खाँ काडः दिल ।

ज्या इवःसं वडा नर्स पूर्णिमा लाखे व वडाया दुजः सिद्धिराम अवालं नं थः थः गु बिचः प्वंकः द्यूगु खः ।

अथेहे खप नगरपालिका वडा नं. २ या गवसालय स्थानीय

सच्छि व न्हयस्वंगुगु स्वप पौ, बःछि पौ (पाक्षिक)

वडाया मिसातय्गु मचाछँया क्यान्सर (VIA) व दुरुष्वया क्यान्सरया शिविरसं खप नगरपालिकाया उप प्रमुख रजनी जोशी ल्वय इलय हे सिङ्केता स्वास्थ्य शिविरत न्ह्याकः वयागु खाँ ब्याकसे अः नसा त्वँसा, स्वायगु पहः खय् वगु ह्युपां मपुनिगु ल्वय अपलं खानय् दयो वगु खाँ ब्याकसे इलय हे उपचार याय फःसा ल्वय लांकय् फैगुलिं शिविरय् वयो जाँचय याकय्ता बः याडः दिल ।

पूँजीवादी व्यवस्थाय् सरकारय् वापुं शासक तयसं थःगु स्वार्थ्यालागिं ज्या सानिगु अलय समाजवादी व्यवस्थाय् शिक्षा स्वास्थ्य थजगु फुक्क बन्दोबस्त निःशुल्क जुइगुलिं नेपाल मजदुर किसान पार्टी समाजवादी व्यवस्थाया खाँ बहुमत जनताता काडः सचेत यायां छपा छधि याडः वगु खाँ काडः दिल ।

वयकल न्हँगु पुस्ताता शिक्षित यायां थःगु पहः ल्यंकः स्वाकः तय्ता कला, संस्कृति ल्यंक, स्वाकः, भिंकः तय्गु सामाजिक दायित्व कः घाय्ता हज्यायमः धायोदिल ।

स्थानीय समाजसेवी गणेशप्रसाद सुवालं जनताया स्वास्थ्यता हदाय तयो छँ छँ, नर्सिङ ज्या इवः न्ह्याकः थाय् थासय् शिविरत त तं वगु बांलागु ज्या खः धायो दिसे मिसातय्सं नं राष्ट्रिय व अन्तर राष्ट्रिय परिस्थितिया खाँ थुइकः संघर्षय् हज्यापुं मनूतय्गु जीवनी ब्बडः हज्याय्ता बःयाडः दिल ।

नर्स रचना सुवालं जिवय म्वःगु ला बढय जुइगु धाय्गु क्यान्सर जुइगु खः साँ व लुसीखय बाहेकं मेथाय् न्ह्याथाय् नं क्यान्सर जुय फःगुलिं इलय हे जाँचय याडः ल्वय सिङ्केता शिविरय् वयमः धायो दिल ।

वडाध्यक्ष हरिप्रसाद बासुकलां वडाया जुयो च्वंगु विकास निर्माणया ज्या काडः दिलसा बासु मा.वि. या प्र.अ. रबिलाल प्रधान, वडाया दुजःपुं श्याम सुन्दर मातां व मञ्जु लाखां नं न्वचु तयो द्यगु खः ।

अथेहे पुस १९ गते खप नगरपालिका वडा नं १० या गवसालय हाडजोर्नीया स्वास्थ्य शिविर उपप्रमुख रजनी जोशीया मूपाहँलय शनिबार बेखाल सहरी स्वास्थ्य केन्द्रय जुगुलिं वयकलं छँ



छँ नर्सिङ सेवा व स्वास्थ्य स्वयम सेविका पिनिगु प्रतिवेदनय् लिधांसाय नगरबासी पिन्ता जिवंफयकः स्वस्थ याडः तयता शिविरत चाय्कः वगु खाँ नपां दीर्घ बाल नुगः ल्वयया स्वास्थ्य परीक्षण याडः निःशुल्क अपरेशनया व्यवस्था यागु खाँ नं काडः दिल ।

वयकलं देशया लागि जनतातय्सं अपलं ज्या याय् बाकी दःगु खाँ ब्याकसे जनतात न्ह्याब्लें स्वस्थ व जिवं फयकः च्वनयमःगु खाँ नपां उच्च शिक्षा ब्वनयगुपाखं सुनं त्वः मफियमः धायो शैक्षिक ऋणया व्यवस्था याडः वयागु खाँ ब्याक दिल । नपां जनतात स्वस्थ याड तयता थायथासय् कसरत याय्ता व्यायामया सामानता तयो वियागु छिकोड व्यायाम स्पडः वयागु, आदर निकेतनया व्यवस्था नपां फुक्क वडाया शिशु स्याहार केन्द्रत चायकः वयागु खाँ नं ब्याक दिल ।

ज्या इवः या सभाया नायो नपां वडाध्यक्ष लक्ष्मीप्रसाद ह्यौमिखां नगरबासीपिन्ता ल्वय मदयकः तयता शिविरत त तं, ल्वय हे मजुईकेता सुचुकुचु ज्या इवः व फोहर वैगु थासं हे ध्वगिइगु व ध्वमगिइगु फोहरत मुडः थासय लाक वयागु खाँ नपां गथे सवारी साधनत इलय व्यलय सभिसिङ याय मःगु खः अथेहे भीगु जिउया स्वास्थ्य परीक्षण नं याडं तू च्वनयमः धायो दिल ।

वयकलं विदेशी ऋण विकास याय्गु स्वयो थःगु हे तुतिखय् चुयो विकास यायमःगु खाँ नपां अः छम्हासिया कपालय गुइद्धतका विदेशी ऋणालाय धुकगु खाँ नं काडः दिल ।

ज्या इवःसं डाक्टर मनिष प्रधान कृष्ण नारायण दुमर, लक्ष्मी प्रसाद चवालं नं न्वचु तयो द्यगु खःसा शिविरय् १५० म्हा सिनं सेवा कःगु खाँ वडा निरीक्षक रामकृष्ण प्रजापति कडः दिल ।

अथेहे पुस २६ गते खप नगरपालिका वडा नं ६ या गवसालय खप अस्पतालया प्राविधिक ग्वाहालीखय् याछँ त्वालय जूगु मचाछँ व दुरुष्वया क्यान्सर परीक्षणया स्वास्थ्य शिविर सं ६ वडाया वडाध्यक्ष हरिराम सुवालं सांस्कृतिक नगरी खप देया ऐतिहासिक व पुरातात्विक सम्पदात स्वयता, ब्वनयता अलय हिलमाल अनुसन्धान याय्ता देशं दुनय व देशपिनयया पर्यटकपुं च्वनिगु खाँ नपां नगरबासीपिन्ता मदयक मगागु न्यूनतम आवश्यकतात ज्यंकेयता खप नगरपालिकाया जनप्रतिनिधिपिनिगु न्हयलुवाय-स्थानीय जनताया तप्यंक याडः वगु ग्वाहाली निर्माण ज्या ब्वचःगु थी थी लाँ, सम्पदा ल्हवनय-कानय व विकास निर्माणया ज्याखय स्थल्लाकः थःगु भःपियो ज्यासाडः वगु खाँ काडः दिल ।

खप नगरय् विकास निर्माणया ज्यात ठेक्कापट्टाखय मखुसँ स्थानीय त्वालयया मनूत तयो उपभोक्ता समितिपाखं, जनश्रमदान याडः फल्चा, सत, मथ, देग, छोछँ व लार्च ल्वहँतं सियगु थजगु ज्या हज्याडः च्वंगु नपां नगरबासीपिनिगु स्वास्थ्यता विचः याडः स्वास्थ्य शिविरत तयो वगु खाँ काडः दिल ।

सच्छि व न्हयस्वंगूगु स्वाप पौ, बःछि पौ (पाक्षिक)

वडाया दुज : गोबिन्द दुवालं मिसात स्वस्थ जूसा समाज हे स्वस्थ जुडगुलिं लवय सुचुक तय मज्यू धायोदिल ।

खप अस्पतालया नर्सिड इन्चार्ज रचना सुवालं म्हवचा वैसय ब्योहजपुं, ल्यो तिडः जुडपू मिसात, थवै ऐला अपलं त्वनिपुं, तुडगु हि बःवडपुं, महिनावारी गडवडी जुलकीं मचाछैया क्यान्सर जुय फःगुलि लज्या त्वः तः मदिकक स्वास्थ्य जाँच याकय् मः धायोदिल ।

कार्यपालिकाया दुजः रोशन मैयाँ सुवाल भेनेजुयलाया

चिकं खानी, लुँ खानी खय् मिखा तयो हस्तक्षेपकारी अमेरिकी साम्राज्यवादी अत्याचारया विरुद्ध न्यायप्रेमी जनतां विरोध याय् मःगु खाँ नपां इलय हे स्वास्थ्य परीक्षण मयाकपिनि थी थी लवय जुय मत्ययक हे मृत्युवरण याय मःगुलिं जनताया स्वास्थ्यता बिचः याडः नगरपालिकां स्वास्थ्य शिविरत तयो वगु खाँ काडः दिल ।

ज्या भूवः सं वडाया दुजः सिद्धिराम अवाल व स्वयम सेविकापुं संगीता अवाल व विष्णुकेशरी सितिखु नं न्वचु तयो द्यूगु खः ।

खप नगरपालिकाया हिंगुकगु नगरसभा क्वचाल

पुस २८ गते



खप नगरपालिकाया हिंगुकगु नगरसभा तः लाक क्वचःगुलि सभाया नायो सुनिल प्रजापति जुं उलेज्यासं भःपुं मू पाहाँ, राजनैतिक व सामाजिक न्हयलुवापुं बुद्धिजीवीपुं, नगरसभा ज्वःछि ग्वाहाली याडदयपुं जनप्रतिनिधि व कर्मचारीपिन्ता सुभाय देछायो दिसे जनप्रतिनिधिपिसं जनताया मति थुइकः ज्या सानय्ता व स्थानीय तह्या ज्या बांलाकय्ता जनप्रतिनिधिपुं व कर्मचारीपिसं थः थः गु पद काथं ज्या याय् मः धायो दिल । उगु बैठकय् कर प्रशासन सम्बन्धी संशोधन प्रस्ताव, कर्मचारी म्याद थप प्रस्ताव व थी थी

योजनाया रकमान्तरण व बजेट स्रोत सुनिश्चितताया लागि बजेट संशोधन प्रस्ताव व संगठन व व्यवस्थापन प्रशिक्षण ओ एण्ड एम प्रस्ताव छप्वा म्हतुं पारित याता ।

सभासं अपांगता जूपिन्ता परिचयपत्र वितरणसम्बन्धी अस्थायी समन्वय समिति, खेलकुद समिति, आर्थिक तथा लेखा समिति, महिला बालबालिका तथा समाज कल्याण समिति, निर्माण समिति, बजार अनुगमन समिति, योजना अनुगमन समिति, वातारण तथा पर्यटन समिति, शिक्षा समिति र न्यायिक समितिको प्रतिवेदन स्वापु दःगु समितिया कजि व दुःज पिसं पिब्वयो द्यूगु खः ।

सभासं वडा नं. २ या वडाध्यक्ष हरिप्रसाद बासुकलां खप नगरपालिकाया १९ कगू नगरसभाको प्रतिवेदन बःचा हाकलं पिब्वयो दिल ।

खप नगरपालिकाया हिंगुकगु नगरसभां राष्ट्रपति मादुरो दम्पतिता तःगु भुठ्ठा मुद्दा लिता काय्ता व वयकपिन्ता सकुशल त्वः तयता प्रस्तावपारित यात ।


२०८२ पुस २४ गते च्वंगु उगु सभा पुस २८ गते क्वचःगु जुल ।



स्वप नगर दुनय् सामाजिक सुरक्षा भत्ता इड बिल
(२०८२ पुस २१ गते)



मदिक न्ह्याक च्वंगु सुचुकुचु ज्याइवः खोहे ७ नं वडासं
(२०८२ पुस १५ गते)





बख्यप नगरपालिकाया प्रमुख तथा नगरक्षभाया नायो भाजु
शुनिल प्रजापतिया नायोशुई नगरक्षभा ठह्यात (पुक्ष २४ गते)



हिंशुकगु नगरपरिषद कणचाल
पुक्ष २८ गते